

AWEMainta

E DIFERENCIA DEN NOTICIA

CORTE TA CONDENA PERIODISTANAN PA VIOLACION DI SECRETO Y SOBORNO



2

ARUBA Y BRASIL CONECTA:
CU EVENTO INAUGURAL DI GOL
AIRLINES FOR DI AEROPUERTO
SÃO PAULO-GUARULHOS

3

FASE 2 DI PROYECTO
'RENOBACION PALAPA' NA
MANGEL HALTO A CUMINSA

4

NINGUN PARTIDO
POLITICO A BAY ELECCION CU
VISION DI "VAKMINISTER"

5



12 DAYS OF CHRISTMAS

DECEMBER 15 - 26, 2024

OVER \$35,000 IN PRIZES!

THE CASINO AT
THE RITZ-CARLTON
ARUBA




Document Management

- System Neutral, Metadata Driven
- Cloud, On-Premises, or Hybrid
- Automated Workflows and Security
- Seamless Integration with: Microsoft Office,
- Dropbox, GoogleDrive, DocuSign, AdobeSign

Stop Searching!

WHAT VS WHERE?

Tel. 583-7072 | info@vcc-int.com | www.vcc-int.com



VCC
International NV

Corte ta condena periodistanan pa violacion di secreto y soborno

DIA 18 di december 2024, corte a dicta sentencia contra cuater periodista y un polis den un caso cu ta investiga tanto e limitenan di libertad di prensa como responsabilidad legal. E acusadonan a wordo haya culpabel di violacion di e deber di secreto di e polis involvi, mientras cu tres di nan tambe a wordo condena pa soborno.

E caso den detaye

Corte a dictamina cu e periodistanan tabatin acceso na comunicacion confidencial di Cuerpo Policial di Aruba pa mas di dos aña. Hunto cu e polis involvi, nan a crea un conexion digital cu a manda e trafico di portofon directamente n'e laptopnan di e periodistanan. E cooperacion aki a wordo considera como un violacion cla di e deber di secreto di e polis, cu e periodistanan considera como complice.

Ademas, e investigacion a revela cu tres di e periodistanan a soborna e polis cu regalo y promesanan pa obtene acceso na informacion sensitivo. Corte a enfatisa e gravedad di e actonan aki, ya cu e divulgacion di informacion confidencial di polis por tin consecuncianan serio, manera violacion di privacidad di ciudadanonan y creacion di situacionnan peligroso.

Libertad di prensa vs. ley

Durante e caso, e abogado di e periodistanan a argumenta cu libertad di prensa a duna nan e derecho di colecta informacion, incluyendo e datonan obteni via e sistema di portofon. Corte a reconoce cu libertad di prensa ta un derecho fundamental cu merece proteccion. Sinembargo, e derecho aki no ta ilimita. Corte a declara cu periodistanan no mag di comete actonan criminal pa obtene informacion, cual ta precisamente loke a sosode den e caso aki.

Sentencianan imponi

Corte a tene cuenta cu e circunstancianan personal y e envolvimento di e acusadonan den e determinacion di e castigonan:

- **Andrade** a ricibi un castigo di prizon di 18 luna, di cual 12 luna condicional. E castigo ta mas pisa debi na su condena anterior y e hecho cu e violacion aki a tuma luga durante su periodo di prueba. El a ricibi un periodo di prueba di tres aña atrobe.
- **Giel y Lacle** a wordo condena na un castigo di trabou comunitario di 240 ora, un castigo di prizon condicional di 12 luna y un periodo di prueba di tres aña.



- **E di cuater periodista** a ricibi un castigo di trabou comunitario di 150 ora y un castigo di prizon condicional di 3 luna. E mag di cumpli su castigo na Hulanda, ya cu e ta studiando eyan.
- **Tur e acusadonan** a wordo declara liber di participacion den un organisacion criminal debi na falta di prueba suficiente.

Riesgo di apelacion

E pregunta si apelacion ta un decision sabi ta colga manera un nubia scur riba e caso. Experiencianan anterior, manera den un otro caso den cual un apelacion a conduci na un aumento considerabel di e sentencia, ta haci esaki un paso riesgoso. E acusadonan mester scoge entre acepta e castigo of enfrenta e riesgo di un castigo mas severo den apelacion.

Implicacion pa periodismo

E caso aki ta lanta preguntanan importante tocante e limitenan di libertad di prensa y e responsabilidad etico di periodistanan. Aunke medionan di comunicacion ta hunga un rol esencial den informa e publico, e sentencia aki ta subraya cu actividadnan periodistico mester keda dentro di normanan legal y etico.

E sentencia ta sirbi como un advertencia y un les p'e sector periodistico: libertad di prensa ta un derecho valioso, pero no sin limitacion. Con e acusadonan ta dicidi tocante apelacion no solamente lo influencia nan propio futuro, pero posiblemente tambe lo tin implicacion mas amplio p'e sector periodistico y e limitenan di libertad di prensa.

Aruba y Brasil conecta:

Cu evento inaugural di GOL Airlines for di aeropuerto São Paulo-Guarulhos

‘Un logro significativo pa tur dos destinacion’

ARUBA ta bira un pais mas accesibel pa tur huesped Brasileiro danki na vuelo inaugural directo y nobo di Gol Airlines. Un vuelo cu ta conecta São Paulo-Guarulhos (GRU) cu Aruba (AUA).

A celebra y honra e logro monumental aki durante un recepcion di bonbini den Lounge Inter GOL Smiles hunto cu representantenan di GOL Airlines Danilo Barizan – Commercial Director y Rafael Araujo – Director of Planning, Wieneke Vullings – Consul General di Reinado Hulandes estableci na Brazil y delegacion di Aruba cu a consisti di Ronella Croes – CEO di A.T.A., Sanju Luidens – CMO di A.T.A., Jordan Schlipken – Director di A.T.A. LATAM, Andrew Hoo – Director di Inmigracion di Aruba y Carlos Barbosa – A.T.A. Brazil. E vuelo inaugural G3 7716 ta simbolisa no solamente comodidad, pero tambe ta fortalece e laso cultural y economico entre Brazil y Aruba.


Durante di e ceremonia na aeropuerto GRU na Brazil, Ronella Croes, CEO di Aruba Tourism Authority, a expresa su gratitud sincero na tur socio cu a haci e logronan aki posibel. *‘Esaki sigur ta un sonho cu nos a cultiva durante hopi aña y cu ta bira realidad awe. Nos ta gradici tur huesped cu a eligi Aruba como su destino pa disfruta di e temporada di fiesta y asina duna inicio exitoso n’e vuelo non-stop aki.’* Sra. Croes a destaca

E ruta directo nobo aki ta reduci e tempo di biahe entre Brazil y Aruba pa solamente seis ora y mei, cual ta haci Aruba e isla Caribense di mas accesibel p’e huesped Brasileiro, for di e mercado di Sao Paulo.

Como un pais cu pa durante 40 aña a traha duro pa keda resalta den e region, por bisa cu Aruba ta un destino Caribense popular pa huespednan Brasileiro. Cu e vuelo aki, Aruba Tourism Authority (A.T.A.) ta anticipa un crecimiento significativo den e mercado specifico di Brazil, reforsando e posicion di Aruba como e destino prefera pa huespednan di Brazil.

Aruba ta sigui fortalece su presencia den mercado Latino America, cu un proyeccion pa ricibi alrededor di 182,838 di e mercado aki na final di 2024, representando un resultado adicional di 39% compara cu 2023. Danki na un strategia exitoso di diversificacion, desde 2014 e mercado di Brazil a logra un crecimiento positivo promedio anual di 25%, un cifra cu a subi te na 54% den e ultimo tres aña.

E huesped Brasileiro ta conoci pa tin un patronchi di gasto mas halto cu hopi otro mercado. Segun e estudio mas recien di tarheta di credito Visa, Brasileronan ta gasta un promedio di \$685 pa dia pa cada persona cu tin un tarheta di credito y ta uza esaki durante di nan biahe na Aruba, poniendo nan como e tercer mercado cu ta gasta mas riba e isla despues di Chile y Estados Unidos. Cu e mercado di Colombia ya caba stabilisa, e ruta nobo entre São Paulo, Brasil y Aruba lo sigui sostene un aumento den ‘market-share’ di




Latino America, subiendo e di 8% di e total di huesped na 2014 pa un estimacion di 14% na 2024. Y cu mas di e huespednan aki, Aruba lo sigui atrae mas di e mercado cu patronchi di gasto mas eleva cu otro.

E conexion nobo di Gol Airlines ta parti di un expansion mas grandi den aviacion Latino Americano. Pa 2025, un total di 305,000 asientonan lo wordo poni disponibel pa vuelo entre Aruba y e region. E logro aki ta refleha e compromiso di Aruba pa haci e isla cada biaha mas accesibel cu huespednan cu patronchi di gasto halto for di Latino America.

Un gradicimento na Ministerio di Turismo, Aruba Airport Authority (AAA) y ekipo di Aruba Tourism Authority (A.T.A.) cu a haci e vuelo aki posibel. Cu brasa habri nos ta yama nos huespednan Brasileiro Bem-vindo (Bonbini).

Fase 2 di proyecto ‘Renobacion Palapa’ na Mangel Halto a cuminsa



DESPUES di un proceso largo di preparacion y destaho, e Ministerio di Turismo ta contento pa anuncia cu fase 2 di e proyecto “Renobacion di Palapas na Mangel Halto” a oficialmente cuminsa. E anuncio aki ta enfatisa e compromiso continuo pa mehora y mantene nos area turistico, pero mas importante preservando e naturaleza y beyesa di Aruba.

E proyecto di “Mangel Halto fase 2” ta inclui:

- Renobacion di tur palapas nan existente riba e strip na Mangel Halto, sigurando cu e infraestructura natural y funcionalidad ta optimo pa bishitante di e area.
- Renobacion di palapas na Rogers Beach, creando uniformidad pa tur beach di Aruba muestra igual.
- Renobacion di bankinan na Malmok, mehorando e comodidad y accesibilidad na e palapanan.

E Ministerio di Turismo ta dedica pa aumenta e calidad di nos atraccionnan turistico mientras cu nos ta proteha e ecologia y ta promove sostenibilidad. Minister Dangui Oduber ta pidi comunidad y nos bishitantenan pa cuida e areanan aki cu ta wordo renoba. Paso hunto nos mester preserva nos herencia di Aruba pa futuro generacionnan.



Bon Pasco y
Feliz Aña Nobo!

En conexion cu e dianan di fiesta nos oficina lo ta cera:
dialuna 23 di december 2024, te cu diabierna 3 di januari, 2025.

Nos lo ta habri bek pa duna servicio segun nos orario regular:
dialuna, 6 di januari 2025.

APFA ta crea awe **balor pa mañan**

Ningun partido politico a bay eleccion cu vision di “vakminister”

DURANTE campaña electoral cu a keda concretisa cu eleccion dia 6 di December ultimo, un total di 11 partido politico a participa den e proceso aki caminda a inscribi un total di 139 candidato riba e listanan aki. E politiconan aki, a campaña den nan sistema, den nan tradicion y loke mas a resalta tabat’e forma con practicamente tur e 139 politiconan aki, a busca contacto y a combersa cu votadonan den tur bario rond di Aruba.

Nan a papia cu miles di ciudadanonan cu por a vota dia 6 di December ultimo, enfocando riba vision y plan di nan organisacion politico y kico nan lo cambia of drecha pa asina sirbi interes general di e pais den un gobierno nobo. Den e bishitanan aki of den propagandan politico den medianan di comunicacion, practicamente ningun di e 139 politiconan aki, a yega di bin dilanti y splica pueblo cu nan lo ta dispuesto pa forma parti di un gobierno cu lo tin “vakminister” formando parti di e gabinete proximo.

Un of dos por a sugeri cu nan lo ta kere den lo ta kere den e forma di goberna e pais di e forma aki pero ningun momento partidonan politico cu tabatin asiento den Parlamento for di 2021 te cu awe, a menciona na pueblo cu nan lista pa eleccion ultimo, tabata consisti di candidatonan cu a dicidi cu nan solamente lo kier tin representante den Parlamento y cu nan lo nombra expertonan pa dirigi e pais aki.

Ultimo dianan por a scucha comentaronan riba e fenomeno aki ya cu e ta un fenomeno den mundo politico, cu lo tin partidonan politico cu a logra saca asiento p’e proximo constelacion di Parlamento, lo ta considerando traha cu “vakministers.”

E mensahe ey nunca a ser hiba na votadonan y cu awor diripiente esaki ta bin riba mesa y mester muestra aki cu e pensamiento aki no a bin for di lidernan politico kendenan ta den combersacion cu informado di Gobierno y hasta na Gobernador.

Durante di campaña electoral a analisa y hasta cuestiona lista di candidatonan cu partidonan politico a presenta, caminda tin organisacionnan politico cu a traha duro pa haya candidatonan capacita, hendenan bon studia, hendenan specialisa riba diferente tereno pa awor bin papia di “vakministers” como si fuera e candidatonan aki no ta cumpli cu loke partidonan

politico tin mester pa goberna e pais.

Partidonan cu a logra si saca representante pa Parlamento, tin suficiente politico capacita pa atende asuntonan di vital importancia pa desaroyo general di pais Aruba y na momento cu e politiconan aki a duna confiansa na un of otro organisacion politico, ta pa motibo cu nan ta sigur di nan mes cu no ta capaz p’e retonan cu Aruba ta confrontando.

Proceso di informacion a cuminsa cana y expectativanan cu tin ta cu pueblo lo conoce un cambio den gobernacion di su pais pa proximo cuater añanan.



PUBLIC AUCTION

THURSDAY
JANUARY 23, 2025

On Thursday January 23, 2025 at 11 AM, at the Chamber of Commerce, Aruba, will be auctioned in public (*executoriale verkoop*) pursuant to art. 3:268 and 3:254 Civil Code of Aruba:

Opal 21

a residential house, situated on a right of long lease until February 17, 2058, on a parcel government land, 644 m2 in size, situated at Rooi Santo in Aruba, registered at the Title Registry of Aruba as Second Division Section C number 2399.

Starting bid: Afl. 982.000,00



AUCTION NOTARY: T.R. JOHNSON

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- Seller has the right to not accept any bid, at its sole discretion.
- The auction may be stopped or postponed at any time.
- Each bidder must submit a bank guarantee and/or letter of credit issued by a bank in Aruba to the amount of the highest bid increased with an amount equal to the auction costs.
- A signed and dated private bid can be submitted until, **January 8, 2025, at 5 PM**. A bidding form can be downloaded on our website.

For more information visit:
WWW.JOHNSONNOTARY.COM

Brote di Norovirus riba Crucero den Caribe

Repercusion den su paso na Aruba

UN brote di Norovirus a afecta e crucero Zuiderdam di Holland America Line durante su recorrido den Caribe. Aunke e barco a pasa Aruba, no a informa cu e brote tabatin origen of impacto directo n'e isla. Sinembargo, e echo ta subraya e necesidad di medida preventivo n'e destinonan cu ta ricibi crucero internacional.

Brote confirma pa CDC

E brote a wordo confirma dia 11 di december 2024 p'e Centro di Control y Prevencion di Malesa (CDC). Un total di 74 pasajero y 4 miembro di tripulacion a presenta sintoma manera diarea, sacamento, mal di stoma, keintura y dolor di cabes. E casonan aki ta representa menos di 4% di e 1923 pasajero y 757 tripulante abordo, pero a afecta significativamente e experiencia di e biahe.

Zuiderdam a cuminsa su recorrido na Port Everglades dia 4 di december, a bishita Half Moon Cay, Grand Turk, Amber Cove, Boneiro, Corsou y Aruba, prome cu a regresa dia 14.



Medida di reaccion

Holland America Line a implementa protocol estricto di limpieza y desinfeccion den colaboracion cu CDC pa contene e brote. E pasaheronan afecta a wordo aisla y e itinerario di e proximo biahe di Zuiderdam a retrasa pa permiti un limpieza extenso di e barco.

E incidente aki no t'e unico den 2024. Otro brote riba e crucero Koningsdam di e mesun compania a afecta 98 pasajero y 12 tripulante den un itinerario pa Hawaii y French Polynesia.

Implicacion pa Aruba

Aunke Zuiderdam solamente a pasa Aruba como parti di su itinerario, e yegada di crucero cu brote di malesa contagioso ta trece un riesgo potencial pa cualkier destino turistico. Aruba, cu su dependencia halto di turismo, por reforsa medida preventivo na su waf y punto di contacto turistico, manera informacion sanitario pa empleado y bishitante.

Norovirus, cu por permanece activo te cu dos siman despues di e aparicion di e sintomanan, ta destaca e importancia di un higiena riguroso den espacio publico, particularmente den area frecuente pa turista internacional.

Preparacion pa escala futuro

Aruba por considera un colaboracion mas estrecho cu e liñanan crucero pa preveni riesgo similar. Protocol manera monitor sanitario cerca e pasaheronan cu a desembarca of campaña informativo riba practica di higiena por reforsa e seguridad di e destino sin afecta e experiencia turistico.

Aunke e brote aki no a genera impacto directo na Aruba, e situacion ta sirbi como recordatorio di e importancia di prevencion den destino cu ta ricibi miles di bishitante di crucero cada aña. Esaki ta combina pa mantene e confiansa den Aruba como un destino sigur y atractivo den Caribe.

HOLIDAY MENU 2024

Opening hours:
11am-10pm
Tue-Sun

APPETIZER
SHRIMP CEVICHE
OYSTER SOUP
FISH CROQUETTES

MAIN COURSE
DEEP FRIED FISH FILET
SHRIMP PASTA ALFREDO
CHICKEN CORDON BLEU
CHICKEN & SHRIMP FRIED RICE

DESSERT
CHOCOLATE CAKE
TRES LECHES

Orange Plaza Mall, Italiestraat 50
For reservations: (297) 2806666
WWW.REDFISHARUBA.COM

Price: AWG 45

AWE

LOTTO
DI DIAChristmas
Special

ROLLDOWN

AFL 150.000

Si no tin ganado cu 5 number bon,
e ta bay na esun cu tin 4 number bon y
asina e ta keda roll down te ora tin ganado!

Corda pidi pa bo Facilito y
gana premio cash instantaneo!

www.lottoaruba.com

Recuperacion

Un elemento ausente den tratado di Pandemia

E tratado Internacional proponi p'e Organisacion Mundial di Salud (WHO) riba e prevencion, preparacion y reaccion n'e pandemia ta enfrenta critica pa exclui un componente crucial: recuperacion. E proceso aki, esencial pa maneha e dañonan social, evalua e respons y prepara e sociedadnan pa futuro emergencia, ta atende solamente superficialmente den documento actual.

Den cuadro global

Desde 2022, WHO ta traha riba un tratado pa resolve e deficiencianan revela durante e pandemia di COVID-19. Aunke e intencion ta reforsa e siguridad sanitario global, e tratado actual tin punto debil importante: e falta di igualdad entre e paisnan, e insuficiente atencion n'e comportacion humano y specialmente, e omision di un enfoque amplio riba e recuperacion.

Aunke e emergencia sanitario internacional a caba na mei 2023, COVID-19 ta sigui ta un menasa mundial. E reglanan nacional y internacional ta inconsistente, lagando hopi hende sin sosten adecuado pa proteha di e infeccionnan.



Esaki ta resulta especialmente preocupante p'e poblacionnan vulnerabel, manera esunnan cu ta sufri di long-COVID, un condicion debilitante cu ta afecta miyones y ta aumenta cu cada reinfeccion.

Les siña y reto persistente

Algun pais a implementa plan di recuperacion enfoca riba e sistema di salud, pero esakinan no ta atende e multiple impactonan di e pandemia. Fuera di e presion den e sistemanan di salud, e problemanan economico y social ta persisti, cu ta complica e capacidad di e comunidadnan pa responde crisis futuro. E pandemia a crea desigualdad social y economico cu, si no atende cu nan, e por empeora cu un emergencia nobo.

Otro reto importante ta e disminucion di e confiansa den e ciencia y e institucionnan. Fctor manera desinformacion, mensahe contradictorio y e falta di recurso a contribui n'e problema aki, cu ya ta afectando e aceptacion di vacuna y otro medida preventivo.

Un recuperacion efectivo ta rekeri evalua e reaccion pasa y aplica e lesnan siña di forma continuo. E transparencia y guia basa riba evidencia ta esencial pa reconstrui e confiansa publico y prepara sistema resiliente.

Implicacion pa Aruba

Na Aruba, e falta di un enfoque integral di recuperacion por afecta gravemente su economia, specialmente e sector turistico, base di su sustento. E ausencia di cobertura universal di salud ta afecta e vulnerabilidad di e comunidadnan, mientras cu e debilitamento di e confiansa publico por compromete futuro campaña di salud. Incorpora strategia igual y sostenibel ta clave pa sigura cu e isla ta miho prepara pa enfrenta futuro reto global.

Recuperacion mester ta prioritario den e tratado di pandemia. Su integracion lo permiti fortalece e preparacion global y atende e necesidadnan specifico di nacion manera Aruba, construyendo resiliencia n'e futuro emergencia.



Christmas Menu

APPETIZER
Sopi Pampuna

.....

ENTREES
Ayaca
Ham di Pasco
Pan de Hamon
Salada di Macaroni

.....

DESSERT
Quesillo

.....

LOCATION
Caya Harmonia 1. Lokaal 2
(+297)731-1224

.....





E responsabilidad di comunidad pa sobrevivientenan di trauma

TRAUMA ta laga cicatriznan duradero, tanto visibel como invisibel, riba esnan cu ta soport'e. Mientras cu Aruba a tuma pasonan significante den brinda sosten inmediato na sobrevivientenan di trauma a traves di centronan di crisis y conseho di emergencia, e berdadero trabou ta cuminsa hopi despues di e intervencionnan inicial aki. Recuperacion ta un biahe largo y como comunidad, nos mester puntra nos mes: *Nos ta haciendo suficiente pa crea un ambiente unda sobrevivientenan por realmente sana y reconstrui nan bida?*

E rol di comunidad den sanacion

Mientras cu profesionalnan ta hunga un rol crucial den recuperacion di trauma, sanacion hopi biaha ta depende di e sosten cu sobrevivientenan ta ricibi di nan comunidad. Famia, amigonan, coleganan di trabou y bisiñanan ta forma con sobrevivientenan ta sinti tocante nan experiencianan y nan balor. Un palabra amabel, un oido habri, of simplemente reconoce nan lucha por tin un impacto profundo.

Sinembargo, stigma cultural y expectativanan social na Aruba tin biaha por silencia sobrevivientenan, haciendo nan sinti comosifuera nan trauma ta un peso of algo pa sconde. Comentario manera “sigui bo bida” of “sea fuerte” por bin di un bon intencion pero por ignora e profundidad di e dolor di un sobreviviente. Pa haci miho, nos comunidad mester priorisa empatia y comprension, creando un espacio sigur unda sobrevivientenan ta sinti nan balora y apoya.

Kibrando e silencio rond di trauma

Den e sociedad uni di Aruba, silencio rond di salud mental ta sigui ta un desafio. Sobrevivientenan di trauma hopi biaha tin miedo di wordo husga of malcomprendi, hibando nan na retira for di circulo social y profesional. E isolacion aki por empeora nan lucha, haciendo recuperacion ainda mas dificil.

Pa cambia esaki, nos mester fomenta combersacionnan habri tocante trauma y salud mental. Grupo- comunitario, iglesia-, scol- y luganan di trabou por sirbi como plataforma pa educacion y dialogo. Door di normalisa discusionnan rond di e topiconan aki, nos por kibra e stigma y muestra sobrevivientenan cu nan lucha no solamente ta wordo comprendi pero tambe acepta como parti di e experiencia humano.

Pasonan practico pa accion comunitario

Empatia y dialogo ta vital, pero accion ta igualmente importante. Comunidadnan por uni rond di sobrevivientenan den maneranan significante. Por ehempel, gruponan di sosten di pareonan ta brinda espacio unda sobrevivientenan por comparti nan storia cu otro cu a enfrenta retonan similar. Scol

y programanan pa hubentud por integra conscientisacion di trauma den nan curriculum, siñando mucha y hobennan con pa reconoce y responde na trauma den nan circulo.

Luganan di trabou tambe por ta un forsa poderoso pa sanacion. Dunadonan di trabou mester ofrece dikanan di salud mental, orario flexibel, of partnership cu servicionan di conseho pa yuda empleadonan cu ta sobreviviente di trauma mantene estabilidad. Bisiña y organisacionnan local por organisa eventonan cu ta promove resistencia y conexion, yudando sobrevivientenan sinti nan menos nan so.

Un yamada pa sanacion colectivo

Como comunidad, nos tin un responsabilidad comparti pa sostene sobrevivientenan di trauma mas leu cu e etapanan inicial di recuperacion. Sanacion ta rekeri mas cu intervencion profesional; e ta yama pa un ambiente compasivo y inclusivo unda sobrevivientenan por recupera nan sentido di proposito y pertenencia.

E forsa di Aruba ta sinta den su cultura uni, pero e cercania ey mester traduci den accion. Hunto, nos por construi un sociedad cu no solamente ta reconoce trauma pero activamente ta traha pa alivia su peso. Door di educa nos mes, sostene combersacionnan habri y tuma pasonan practico, nos por haci miho—no solamente pa sobrevivientenan di trauma, pero p'e comunidad como un totalidad.

Digicel

MIHO CONECTA

Cu un Postpaid Unlimited plan pa comparti. 2,3, of 4 liña

Apliká awe mes!

POSTPAID UNLIMITED SHARE 2	POSTPAID UNLIMITED SHARE 3	POSTPAID UNLIMITED SHARE 4
2 liña	3 liña	4 liña
AWG 130 pa persona	AWG 119 pa persona	AWG 110 pa persona
Beneficio Data ilimita Yamada ilimita SMS ilimita +500 Minuut	Beneficio Data ilimita Yamada ilimita SMS ilimita +700 Minuut	Beneficio Data ilimita Yamada ilimita SMS ilimita +900 Minuut

Respet y coexistencia:

Identidad di genero den un cultura conservativo

ARUBA ta para como un testimonio di e coexistencia di balornan progresivo y tradicionnan profundamente ancla. Pa un isla chikito cu un historia religioso rico y base conservativo, su respet general pa identidad di genero ta di admira. Sinembargo, retonan ta persisti. Un minoria di individuo ta mantene puntonan di bista cera, tin biaha hibando na comportacion discriminatorio, mientras cu otronan ta pusha limite na extremonan, testando e limite di tolerancia den un sociedad culturalmente tradicional. E pregunta ta surgi: unda un balansa por wordo haya pa sigura respet mutuo y coexistencia?

Contexto conservativo di Aruba y progreso


E panorama cultural di Aruba ta forma pa su historia, marca pa balornan religioso fuerte y un perspectiva profundamente conservativo. A pesar di e raisnan aki, e isla a muestra un disponibilidad admirabel pa adapta na cambionan di tempo. Identidad y expresion di genero, cu antes raramente tabata wordo discuti den publico, awor ta parti di combersacionnan mainstream. For di politicanan di trabou inclusivo te cu campananan di conscientisacion publico, tin un aceptacion creciente di identidadnan diverso.

Sinembargo, e progreso aki no ta universal. Cierta individuo y comunidadnan ta keda resistente, ancla den creencianan tradicional cu ta mira no-conformidad na rolnan di genero estableci como un desafio na normanan moral y cultural. E resistencia aki hopi biaha ta manifesta como exclusion sutil, pero den casonan extremo, e por escala na discriminacion abierto.

E problema di extremonan

Mientras cu resistencia conservativo por stroba progreso, e empuhe pa cambionan rapido y extremo door di algun defensor tambe por crea friccion. Exigi aceptacion inmediato y total di practicanan of expresionnan cu ta desvia significativamente for di normanan social por aleha esnan cu ainda ta ahustando n'e cambionan aki. Por ehempel, demostracionnan publico of demanda pa reconocimiento cu ta contrasta fuertemente cu e cuadro cultural existente di un comunidad por provoca reaccion negativo, no necesariamente for di malicia, pero debi na falta di familiaridad of incomodidad.

Extremonan asina ta core riesgo di polarisa e combersacion. Di un banda, nan ta alimenta e argumento pa individuonan di mente cera cu ta uza e ehempel aki pa hustifica puntonan di bista discriminatorio. Di otro banda, nan por mina esfuerzonan genuino pa inclusividad door di confundi acomoda-



cion rasonabel cu disrupcion cultural percibi.

Coexistencia a traves di comprension mutuo

Pa Aruba fomenta harmonia, un punto medio mester wordo estableci. Respet mester flui den ambos direccion. Defensornan di identidad di genero mester reconoce e sensibilidatnan cultural di e isla y acerca cambio cu educacion, empatia y pasenshi. Campananan cu ta enfoca riba balornan comparti—manera respet, amor y dignidad—por cera e brecha entre progresivo y conservativo.

Similarmente, individuo y institutonan conservativo mester haci esfuerzo pa compronde y respeta e experiencianan biba di esnan cu ta desafia rolnan di genero tradicional. Esaki ta involvi separa creencia personal for di comportacion publico y sigura cu balornan religioso of cultural no ta wordo uza pa hustifica exclusion of daño. Discusionnan publico y tayernan cu ta encurasha dialogo sin huicio por yuda dismantela stereotiponan y fomenta comprension.

Un vision pa respet mutuo

Aruba tin e potencial pa sirbi como un modelo pa coexistencia respetuoso entre balornan tradicional y inclusividad moderno. E caminda pa dilanti ta sinta den promove pasenshi y dialogo en bes di confrontacion. Door di encurasha progreso incremental y enfoca riba humanidad comparti, e isla por construi un ambiente unda identidadnan diverso ta wordo respeta y tradicionnan cultural ta wordo honra.

E balansa entre progreso y tradicion ta delicado pero alcansabel. Den e espacio comparti aki di comprension mutuo, Aruba por continua su evolucion como un sociedad cu ta balora respet riba tur cos, sigurando cu tur hende ta sinti nan inclui sin compromete e esencia di su identidad cultural.

Gemeenschappelijk Hof van Justitie

A condena periodistanan pa participacion den violacion di secresia oficial y soborno



RIBA 18 di december 2024, Corte a condena cuater periodista pa violacion – hunto cu un agente policial – di e secresia oficial di e agente policial aki. Ademá, tres di nan a ser condena pa soborno. A absolve e cuater periodista di participacion den un organisacion criminal.

Corte a determina cu durante un periodo di mas cu dos aña, e periodistanan aki tawata tin acceso n'e trafico di portofon di Cuerpo Policial di Aruba. Nan a haci e acceso aki posibel hunto cu e agente policial menciona, pa medio di un conexion digital cu nan a crea entre un portofon y e laptop di e periodistanan individual. Debi n'e hecho cu hunto cu e agente policial nan a haci e acceso n'e trafico di portofon posibel, mescos cu e agente policial aki nan a viola secresia oficial.

Corte a determina cu den e mesun periodo, tres di e periodistanan a duna regalo y a haci promesanan n'e agente policial, pues cu di e manera aki nan a sobornele. E informacion policial cu ta distribui pa medio di portofon ta informacion confidencial, cu no ta destina na oyentenan no autorisa. Si e informacion aki yega na personanan robes n'e momento robes, ta viola e privacidad di ciudadanonan y esaki por conduci na situacionnan peligroso of no desea. P'e motibo aki, e informacion aki ta confidencial y disponibel solamente pa agentenan policial.

E abogado di e sospechosonan a argumenta cu periodistanan tin libertad di recopilá noticia y cu esaki ta inclui e

informacion cu e sospechosonan a haya pa medio di e portofon. Corte ta di acuerdo cu e argumento di abogado cu periodistanan tin libertad di recopilá noticia.

Esaki ta un derecho importante cu mester protege y respeta. Sin embargo, e no ta un derecho sin limite. E ta ser limita pa derecho penal y pa normanan di cuido debido. Esaki ta significa cu periodistanan no mag di comete hechonan castigabel pa obtene informacion y esaki ta precisamente loke a bay robes den e caso aki; e sospechosonan a comete hechonan castigabel pa haya acceso n'e informacion confidencial.

Corte a impone diferente castigo, pa motibo cu a tene cuenta cu e circunstancianan personal y e rol di e diferente sospechoso. Un di e sospechosonan a ser impone un castigo di prizon di diesocho luna, diesdos di nan condicional. El a ser condena previamente pa un hecho similar.

Dos di e sospechosonan a haya un castigo di trabao pa comunidad di 240 ora y un castigo di prizon condicional di diesdos luna. E di cuater sospechoso ser condena na un castigo di trabao pa comunidad di 150 ora y un castigo di prizon condicional di tres luna.

A absolve tur sospechoso di participacion den un organisacion criminal, pasobra Corte ta haya cu no tin suficiente prueba cu nan a comete e acto ey.

Informe semestral di C(A)ft 2024

Avance y reto den maneho financiero di Aruba

E presente informe semestral di C(A)ft correspondiente n'e prome mita di aña di 2024, ta detaya e actividadnan realisa, e principal puntonan di acesoramento y un analisis specifico riba e maneho financiero, cu un enfoke particular riba Aruba. E documento aki, ta subraya e logronan alcansa, como tambe e retonan cu e pais ta enfrenta pa garantiza e sostenibilidad fiscal y administrativo a largo plaso.

Den termino financiero, Aruba a cumpli cu e metanan estableci na 2023, alcansando un surplus di 282 milyon florin, equivalente na 4% di e GDP. E resultado aki ta supera e rekisitonan di e cuadro legal ahusta na 2024 (LAft) y e normanan protocolar anteriores. Sinembargo, ta persisti riesgo significativo debi n'e impacto di e interesnan, cu ta representa 17% di e presupuesto pa 2024 y un debe publico den refinanciamiento pa 3 mil milyon florin te cu 2029. C(A)ft ta recomenda uza e posicion fiscal faborabel pa reduci e debe aki y priorisa e inversionnan riba e gastonan di consumo.

E entrada fiscal a muestra un crecimiento notabel, cu un aumento di 26% na 2023 compara cu e aña anterior. E aumento aki ta atribui na un mayor cumplimiento fiscal y e expansion economico. Pa 2024, e presupuesto inicial ta proyecto a un surplus di 211 milyon di florin (2,9% di e GDP), loke un biaha mas ta supera e metanan legal. C(A)ft ta sugeri destina e surplus aki di e debe y e inversionnan strategico.

Encuanto maneho financiero, e informe ta subraya e avance y e limitacionnan actual. Aunke e proceso presupuestario a mehora, e atrasonan den dunamento di cuenta anual y rapport trimestral ta sigui ta un problema structural. E ultimo cuenta anual audita ta coresponde na 2018, mientras cu e rapportnan trimestral ta entrega sistematicamente cu retraso, loke ta dificulta e supervision efectivo di parti di Parlamento y C(A)ft.

E debilidad aki ta afecta e transparencia y e rendimiento di cuenta. Pa enfrenta e dificultadnan, Aruba ta implementando un plan di accion basa riba e cuadro PEFA y e disposicion di e Landspakket acorda cu Hulanda. E plan aki ta busca pa fortalece e administracion fiscal, mehora e cumplimiento di e normanan contabel y modernisa e control financiero cu un modelo di tres liña. Entre e iniciativanan ta destaca e limpieza di balans, e actualisacion di un cuadro normativo y e elaboracion di e estadonan financiero audita. No obstante, e progreso tabata mas lento di loke a spera.

Den e ambito social, AZV y SVb ta premira surplus di 26 y 53 milyon florin respectivamente pa 2024. E resultadonan ta debi n'e crecimiento di entrada, aunke e cuadro di gasto plurianual ainda ta rekeri ahuste pa evita aumento desproporciona den e costonan.

E halfjaarrapportage aki ta pone di manifesto e logronan di Aruba den termino di estabilidad fiscal, pero tambe ta subraya e necesidad di reforsa e maneho financiero y avansa pa un mayor transparencia y eficiencia den e rendimiento di cuenta.



DESTINY SECURITY

OPORTUNIDAD PA
trabaho

➤ ATTRACTIVE SALARY
➤ JOB BENEFITS

WE ARE LOOKING FOR TALENTED AND PASSIONATE PEOPLE TO JOIN OUR TEAM.
IF YOU WANT A PLACE WHERE YOU CAN GROW PROFESSIONALLY AND WORK IN A COLLABORATIVE ENVIRONMENT, **THIS IS YOUR OPPORTUNITY!**

DESTINY SECURITY **DESTINY SECURITY OFICIAL** **5947937**



NPC

E diferencia den Noticia

Un caminda pa positividad y progreso

E poder di celebra victorinan chikito

DEN e buskeda di exito, ta facil pa lubida e victorinan chikito cu ta habri caminda pa logronan mas grandi. Sociedad hopi biaha ta glorifica e logronan grandi, lagando e metanan chikito sin aprecio. Sinembargo, celebra victorinan chikito ta un practica transformativo cu ta fomenta positividad, construi confiansa y sostiene motivacion. E habito simpel pero poderoso aki por haci un diferencia significante den con nos ta acerca nos meta y desafionan.

Pakico victorinan chikito ta importa

Victorinan chikito ta representa progreso. Cada logro chikito, sea ta completando un tarea, siñando un habilidad nobo, of manteniendo un habito diario, ta un paso mas cerca di bo meta mas grandi. Reconoce e momentonan aki ta reenforza e idea cu bo esfuersonan ta dunando resultado, ni maske con chikito e progreso por parce. E practica aki ta yuda crea un sentido di momentum pa dilanti, cual ta esencial pa keda motiva, specialmente ora ta trahando riba obhetivo a largo plaso.

Investigacion den psicologia ta sostiene e idea aki. Celebra progreso, hasta den incrementonan chikito, ta causa e liberacion di dopamine, un neurotransmisor asocia cu placer y motivacion. E refuerzo positivo aki ta encurasha e cerebro pa busca experiencianan gratificante similar, haciendo mas facil pa mantene enfoke y perseverancia den transcurso di tempo.

Cambiando enfoke di resultadonan pa esfuerso

Ora bo ta celebra victorinan chikito, bo ta cambia bo mentalidad di ta solamente dirigi riba resultado pa aprecia e proceso y esfuerso involvi. E cambio den perspectiva aki ta crucial pa cultiva resistencia y evita burnout. Metanan grandi hopi biaha por sinti abrumador, pero kibrando nan den pasonan manehabel y reconoce cada logro ta reduci e sentimento di ta spanta.

Por ehempel, en bes di warda pa celebra ora bo a completa un proyecto completo, reconoce e metanan importante na caminda—terminando un tarea, entregando un proposicion, of dominando un concepto dificil. E momentonan aki di reconocimiento ta mantene bo motiva y ta reduci e presion di warda pa un recompensa grandi.

Con pa celebra victorinan chikito

Celebra victorinan chikito no ta rekeri gestonan grandi of recompensanan elabora. E clave ta reconocimiento intencional. Por ehempel, bo por duna bo mes un treat cu bo



snack favorito, comparti bo logro cu un amigo, of tuma un momento pa reflexiona riba bo progreso. E accionnan simpel aki ta reenforza e significancia di bo esfuerso y ta recorda bo di bo capacidad pa exito.

Incorpora ritualnan of habitonan cu ta celebra progreso tambe por yuda. Skirbi den un journal tocante logronan diario, mantene un checklist unda bo ta marca tareanan completa, of establece mini-recompensa pa logra metanan ta strategianan efectivo. E cos importante ta pa haci e celebracion significante pa bo, sea ta tumando un break bon mereci of participando den un actividad cu bo ta disfruta.

Creando un ciclo di positividad y progreso

Celebra victorinan chikito ta mas cu un practica pa sinti bon—e ta un strategia pa crecimiento sostenibel y positividad. Door di reconoce progreso constantemente, bo ta construi confiansa y ta crea un ciclo di motivacion. E enfoke aki ta fomenta un mentalidad di gratitud, yudando bo aprecia e biahe en bes di solamente enfoca riba e destinacion.

Finalmente, e practica di celebra victorinan chikito ta transforma con bo ta percibi y acerca desafionan. E ta converti cada paso pa dilanti den un logro significante, encurasha perseverancia y un perspectiva positivo. Den un mundo cu hopi biaha ta priorisa resultadonan grandi, tuma tempo pa balora e victorinan chikito por conduci na satisfaccion y exito duradero.

Hulanda ta core riesgo di cay den recesion

Si un guerra comercial mundial tuma luga

E economia Hulandes ta bou presion debi n'e menasa di conflictonan comercial mundial, segun Ingrid Thijssen, presidente di e organisacion di empresarionan VNO-NCW. Den un entrevista cu WNL Op Zondag, el'a enfatisa cu Hulanda por hasta cay den un recesion si e guerra comercial cu e siguiente presidente Mericano tin den mente bira realidad.

Impacto di e 'America First'

E siguiente presidente Mericano a anuncia cu e lo impone tarifanan di importacion halto riba tur producto cu drenta Merca. Segun Thijssen, esaki lo no solamente conduci na inflacion mundial y aumento di prijs, pero tambe na daño economico serio pa Hulanda. *"Tur analisis ta muestra cu un guerra comercial ta hopi dañino p'e economia Hulandes,"* Thijssen a bisa.

De Nederlandsche Bank a adverti e siman aki cu un guerra comercial por costa Hulandesnan posiblemente 500 euro extra pa aña. Thijssen ta premira cu den un escenario negativo, e economia Hulandes por shrink cu 2 por ciento. *"Esey ta mas di loke nos ta crece actualmente. Si bo haci e calcu-*



lacion, esey lo hiba nos na un recesion."

Productonan Chines ta inunda Europa

Ademas di e bareranan di tarifa Mericano, Thijssen tambe ta expresa su preocupacion tocante e impacto riba Europa. Debi na medidanan Mericano, productonan Chines lo inunda e mercado Europeo. *"Lo bira hopi dificil pa empresarionan Hulandes competi,"* Thijssen ta afirma. E ta mira e tensionnan geopolitico actual como un 'wake-up call' pa traha hunto mas fuerte na nivel Europeo.

Regulacion Europeo 'tsunami'

Thijssen tambe ta preocupa cu e aumento di presion di reglamentacion for di Union Europeo. Den e ultimo cinco añanan, UE a adopta casi 14,000 medida legal nobo, mientras cu Merca a implementa solamente 4,000 regla. *"Nos ta enfrente un tsunami di regulacion,"* Thijssen ta bisa. *"E mester ta factibel, pasobra manera e ta aworaki, ta desastroso."*

Wardando p'e accionnan di e siguiente presidente Mericano

Aunke e advertencianan ta cla, Thijssen ta pone un advertencia. Ainda no ta cla si e siguiente presidente Mericano lo converti su retorica fuerte den maneho y con Europa lo reacciona riba esey. Sinembargo, e ta adverti cu Hulanda mester prepara su mes awor caba. *"Si bo haci e calculacion, un guerra comercial lo hiba nos na un recesion."*

Cu e menasa di un guerra comercial mundial y un situacion geopolitico insigur, ta parece crucial pa Hulanda fortalece su economia y ta miho prepara pa posibel shocknan.



Aviso pa Dianan di Fiesta

AWEMainta kier participa cu dianan di fiesta, **25, 26 y 27 di december 2024** lo **no** tin edicion di bo corant faborito.

Ultimo dia di publicacion di AWEMainta ta dia **24 di december** y e **proximo edicion** ta dia **28 december 2024**.

Y pa cera aña, dia **31 december 2024**, **1 y 2 di januari 2025** lo **no** tin corant.

Ultimo dia di publicacion ta dia **30 december 2024**. **Proximo edicion** lo ta dia **3 di januari 2025**.

Por favor esnan cu kier pone propaganda y/of relato, pa tene cuenta cu e dianan menciona y pa manda esakinan pa **5or di atardi**.

Team di AWEMainta ta desea pueblo di Aruba

Feliz Dianan di Fiesta

Sector di cuidu den rebeldia:

Hospital y specialistanan ta stop combersacionnan tocante acuerdo di cuidu

E negociacionnan tocante e acuerdo di cuidu nobo a yega na un paro. Despues di e Asociacion Hulandes di Hospitalnan (NVZ), hospitalnan academico, clinicanan independiente, specialistanan medico y e asociacion profesional pa enfermeronan tambe a dicidi di bandona e combersacionnan. E recorte inespera di 315 milyon euro den e sector di cuidu ta parece di t'e gota cu a yena e baki.

Recortenan ta toca e curason di cuidu

E cambio di rumbo repentino di e gabinete, unda 165 milyon euro ta wordo kita for di e presupuestonan di educacion pa enfermero y enfermeronan specialisa, ta haya hopi resistencia. Segun organisacionnan di cuidu, e fondonan di educacion aki ta esencial pa atende e scarsedad di personal den hospitalnan y haci e sector di cuidu mas atractivo pa trahadonan.

Ad Melkert, presidente di NVZ, ta enfatisa e urgencia: *“Cuidu ya caba ta bou di un presion enorme debi na scarsedad di personal y un demanda creciente pa cuidu. E recortenan adicional aki ta haci e situacion financiero ainda mas vulnerabel y esey ta inaceptabel.”*

Cambio di rumbo inespera

E recortenan ta remarcabel pasobra e programa di gobierno ta pone enfasis riba mehora e posicion di mercado laboral den cuidu y garantiza acceso igual na cuidu. E cambio di rumbo aki ta mina e metanan ey, segun Melkert: *“Ta crucial cu nos por sigui inverti den nos trahadonan, cu ta forma e curason di cuidu.”*


Tambe ta bira dificil pa realiza educacion adicional awor cu enfermeronan den e sistema di cuidu nobo ta haya mas responsabilidad. Pa hopi dunado di cuidu, ta sinti comosifuera nan, a pesar di nan rol crucial, ta bira victima di e recortenan aki.

Contratiempo politico pa Minister Agema

E salida di hospital y specialistanan ta nifica un contratiempo fuerte pa Minister Fleur Agema. Sin sosten di e sector di cuidu, e gabinete ta core riesgo di no logra metanan di maneho importante, manera mantene hospitalnan regional mas chikito. E futuro acuerdo di cuidu tambe, cu lo a dura te 2028, ta bin den wega debi n'esaki.

Resistencia den Eerste Kamer

E organisacionnan di cuidu ta haci un yamada na Eerste Kamer pa investiga e consecucionnan di e recortenan profundamente prome cu nan vota riba e presupuesto. Varios senadornan, incluyendo Roel van Gurp (GroenLinks-PvdA), a indica riba LinkedIn




cu nan lo haci preguntanan critico y pospone e decision p'e aña nobo.

Municipionan ya caba a sali

E intranquilidad den e sector di cuidu no ta para riba su mes. Anteriormente, municipionan a retira for di e negociacionnan di e acuerdo di cuidu, despues cu e gabinete a revisa acuerdonan financiero anterior y a uza e presupuesto pa otro metanan.

Cu e salida masal aki, e confiansa den e maneho di cuidu di e gabinete ta parece di ta na un punto hopi abou. E pregunta ta keda awor con e gabinete por recupera e confiansa di e sector di cuidu y mantene e cuidu riba bon caminda den un tempo di retonan grandi.





Mientras Trudeau ta lucha cu regreso di Trump

Minister di Finansa di Canada ta renuncia

MINISTER di Finansa di Canada, Chrystia Freeland, a anuncia su renuncia dialuna, marcando un golpi politico importante pa Prome Minister Justin Trudeau. Durante un aumento di disidencia interno, desafio economico y incertidumbre referente acuerdonan cu presidente electo di Merca, Donald Trump, liderazgo di Trudeau ta bou di mas scrutinio.

Renuncia di Freeland y desacuerdo principal

Renuncia di Freeland ta sigui despues di cu Trudeau a informa di e plan di reasigna hende for di nan posicion den gabinete. Den su carta di renuncia, Freeland a cita diferencianan irrecconciliabel cu e metodo di Trudeau pa maneha e tension cu Merca y e strategianan economico mas amplio. Refiriendo n'e tarifa di 25% cu Trump ta propone pa productonan di Canada, Freeland a describi e menasa como “*nacionalismo economico agresivo*” y a urgi Canada pa adopta un respuesta mas conservativo y strategico pa prepara pa un posibel guerra di comercio.

Preocupacion economico y desafio fiscal

Renuncia di Freeland tambe ta coincidi cu crecemento di preocupacion riba salud economico di Canada. E deficit fiscal di e pais a yega na C\$61.9 bilon e aña aki —50% mas halto cu loke a spera—un falta cu Freeland kier a trata cu metanan fiscal mas estricto. Su renuncia a retarda e Declaracion Publico Economico di Otoño, cu ta wordo uza pa skirbi e strategia finan-



ciero di gobierno pa contraresta tarifa di Trump y adresa presion inflacionario domestico.

Popularidad di Trudeau ta bahando

Salida di Freeland ta bira un momento delicado pa Trudeau, kende su aprobacion a baha na 33%. El a enfrente critica riba su maneho di asuntonan di vivienda y consumo, su respuesta di gobierno riba COVID-19 y su falta pa contraresta e retorica di Trump eficazmente. Insultonan publico di Trump, incluyendo referi na Trudeau como “*gobernador*” di un “*gran estado*”, a resalta mas e relacion tenso entre e dos lidernan.

Ramificacion politico

Renuncia di Minister di Asuntonan di Vivienda, Sean Fraser, cu a anuncia

cu no lo busca reeleccion, ta suma na mas desafio pa Trudeau. Cu eleccion plania pa otro aña, Partido Liberal di Trudeau ta hiba riesgo di perde su gobierno minoritario si Partido Nobo Democratico retira su sosten.

Mientras tanto, Partido Conservativo di oposicion, lidera p'e populista Pierre Poilievre, ta ganando apoyo, elevando preocupacion cu tendencianan anti-incumbente por saca Trudeau despues di casi un decada na poder.

Mientras Canada ta prepara pa un segundo termino di Trump, Trudeau mester nabega un panorama politico carga y reconstrui credibilidad di su gobierno na cas y pafo di su pais. Salida di Freeland ta subraya e gravedad di e desafio cu e ta enfrente.



Mirrors Beauty Academy ta ofrece e siguiente servicionan

Laba	Tinja	Makeup	Y mucho mas!
Corta	Highlights / Mechitas	Threading	
Blowdry	Ombre / Californiana	Barberia	
Keratina	Bayalage	Manicure	
Cold Wax	Peinado	Pedicure	

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Misterio den shelo:

Kico ta tras di e aparicion reciente di dronenan?

E aumento recien den aparicionnan misterioso di drone den henter Merca a lanta curiosidad, confusion y un yamada pa accion. Rapportnan di dronenan bulando riba barionan residencial, basenan militar y infraestructura critico a surgi den por lo menos seis estado, hibando na debatenan tocante seguridad, regulacion y seguridad publico. Aki ta loke nos sa te awor tocante e fenomeno desconcertante.

Unda e dronenan a wordo mira?

Aparicionnan di drone a cuminsa na mita di november den Morris County, New Jersey y desde e tempo ey a expande pa estadonan manera New York, Pennsylvania y Virginia. Residentenan a raporta cu nan a mira dronenan bulando den grupo y kedando den laira pa oranan largo. Sitionan critico, manera Picatinny Arsenal di New Jersey y Naval Weapons Station Earle, tabata entre e puntonan di acceso raporta, loke a pone FAA emiti restriccioannan di vuelo. Mientras cu algun di e aparicionnan aki ta wordo keri di ta avionnan mal identifica, oficialnan local ta keda preocupa tocante nan cercania na areanan sensitivo.

Kico oficialnan ta haciendo?

Agencianan federal, incluyendo FBI y Departamento di Siguridad Nacional, ta investigando e incidentenan. Oficialnan di defensa a manda sistemanan di deteccion di drone pa instalacionnan militar di New Jersey, mientras cu lidernan estatal, incluyendo Gobernador Kathy Hochul di New York, a pusha pa hermentnan di vigilancia avansa. A pesar di garantia cu e avistamentonan no ta representa un menasa inmediato, legisladonan ta presionando pa transparencia. Un briefing clasifica di e Comité di Inteligencia di Cas tocante e asunto ta wordo spera e siman aki.

Confusion of motibo di preocupacion?

Autoridadnan a atribui hopi di e aparicionnan na “identidad ekiboca,” cu hende ta identifica avionnan of satelitenan erroneamente como drone. Sinembargo, algun aparicion ta involvi patronchinan di vuelo sofisticada, lantando preguntanan tocante nan origen. Operadonan di drone imitador buscando atencion tambe por ta contribuyendo n’e rapportnan. Pa awor, oficialnan ta enfatisa cu no tin evidencia di intencion



maligno of interferencia stranhero.

Pakico tira riba drone no ta simpel

Mientras cu algun politico a haci un yamada pa tira dronenan abou, expertonan ta adverti di e riesgonan. Tira un drone abou por pone hende na peliger riba tera of hiba na complicacionnan legal. Agencianan federal ta prefera jamming electronico of otro medidanan pa neutralisa posibel menasanan mientras ta investiga mas profundo.

Kico ta siguiente?

E aumento den aparicionnan di drone ta destaca lacuna den regulacionnan actual. Mientras cu FAA ta supervisa uzo di drone, autoridadnan local tin autoridad limita pa atende vuelonan no autorisa. Mientras cu investigacionnan ta continua, tanto publico como oficialnan ta buscando contes-tanan tocante e bishitantenan aereo misterioso aki—y kico nan por nifica pa seguridad den espacio aereo Mericano.

SALUD. BEYESA

+ *Y Bienestar Personal* +

Disfruta consciente:

Dianan di fiesta cu control di porcion y autodisciplina

E temporada di fiesta ta sinonimo cu reunionnan festivo y cumin-danan indulgente, hopi biaha hibando na consumo excesivo di cuminda y alcohol. Mientras cu disfruta di e momentonan aki ta parti di e celebracion, ta crucial pa practica control di porcion y autodisciplina pa mantene salud y bienestar durante e tempo aki.

E impacto di exceso

Come y bebe excesivamente durante e dianan di fiesta por resulta den problemanan di salud inmediato y a largo plaso. Come demasiado por causa malestar digestivo, aumento di peso y empeora condicionnan cronico manera malesa di curason y diabetes. Por ehempel, cumindanan di fiesta cu hopi calorìa por aumenta e consumo calorico diario significativamente, contribuy-endo na aumento di peso.

Di mesun manera, aumento di consumo di alcohol ta presenta riesgonan serio pa salud. Estudionan a muestra cu mortonan relaciona cu alcohol a casi redobla desde 1999, cu un aumento notabel entre hende muhenan hoben. Bebe demasiado durante e dianan di fiesta por conduci na accidentenan, intoxicacion cu alcohol y complicacionnan di salud a largo plaso.

Strategianan pa control di porcion

- Uza platonan mas chikito: Scoge pa tayo di cuminda mas chikito por limita e tamaño di porcion naturalmente, yudando na reduci e consumo total di cuminda.
- Yena mita di bo plato cu berdura: Yena bo tayo cu berduranan



rico den fibra por promove saciedad y preveni come demasiado cuminda cu hopi calorìa.

- Come lentamente y consciente: Tuma tempo pa savoria cada hap ta permiti bo curpa registra señalnan di saciedad, reduci-endo e probabilidad di come demasiado.
- Limita consumo di alcohol: Establece un limite personal riba bebidanan alcoholico y alterna cu awa pa keda hidratada y controla consumo di calorìa.

Practica autocontrol

- Planea adelanta: Prome cu asisti na reunionnan, come un snack saludabel pa domina hamber y haci escogencianan consciente n'e evento.
- Keda activo: Incorpora actividadnan fisico manera cana of baila pa balansa consumo calorico y reduci stress.
- Establece metanan realistico: Permitti bo mes disfruta di treatnan faborito den moderacion, evitando un mentalidad di "tur cos of nada" cu por conduci na exceso.

Door di implementa e strategianan aki, bo por disfruta di e tempo-rada festivo mientras ta mantene bo salud. Come y bebe consci-ente no solamente ta mehora e experiencia di fiesta pero tambe ta establece un tono positivo p'e aña nos dilanti.



Fiesta radiante:

Crea e look di beyesa definitivo pa aña nobo

MIENTRAS cu e holoshi ta yegando mey anochi, Bispo di Aña Nobo ta presenta e oportunidad perfecto pa brasa tendencianan di beyesa audaz y glamoroso.

E aña aki, e atencion ta riba wowonan expresivo, cuero radiante y tokenan nostalgico cu ta combina pa crea un look espectacular.

Ata con pa logra e estetica definitivo pa Bispo di Aña Nobo:

Wowonan metalico hipnotico

Sombra di wowo metalico ta haciendo un impacto significativo e temporada aki, ofreciendo un efecto deslumbrante ideal pa eventonan di celebracion. Tononan manera oro, plata y brons por wordo aplica riba e parpadonan pa un acabado luminoso. Pa drama adicional, considera un smoky eye metalico of un delineador alado metalico skerpi pa haci bo wowonan resalta. Combina esakinan cu mascara voluminoso of wimpers falso lo aumenta e encanto general.

Accentonan di briyo

Briyo ta sigui ta un favorito festivo, perfecto pa agrega briyo na bo look di Aña Nobo. Sea ta un tiki briyo riba e parpado-, skina-interno di e wowonan, of hasta como un topper di lip audaz, e tendencia aki ta trece un toke di celebracion. Sigura cu bo ta uza briyo di grado cosmetico y un adhesivo adecuado pa mantene e briyo na su luga henter anochi.

Lipnan cora audaz


Un lip cora clasico ta irradia confiansa y elegancia, haciendo e un escogencia atemporal pa Bispo di Aña Nobo. E temporada aki, e lip ombré inspira pa añanan '90 ta haciendo un comeback, presentando un delineador di lip mas scur mescla den un lipstick cora un tiki mas cla, creando profundidad y dimension. E look aki a wordo muestra recientemente pa Selena Gomez, destacando su resurgimiento den popularidad.

Cuero radiante y briyante

Logra un cuero 'dewy' ta sirbi como e canvas perfecto pa bo makeup. Cuminsa cu un primer hidratante, sigui pa un base luminoso pa crea un base fresco y briyante. Ilumina e puntonan halto di bo cara—couchi, bou di wenkbrauw y e brug di nanishi—cu un iluminador likido of den puiro pa aumenta e resplandor.

Blush impactante

Brasa un couchi 'rosy' y cu color ta agrega un toke hubenil y vibrante na bo look. E tendencia di "flushed femme" ta enfoca riba colornan suave manera rosa, pink y peach, aplica generosamente riba e 'appelnan' di e couchinan y mescla den direccion ariba pa un efecto lanta.



Cejas defini

Cejas bon cuida y defini ta enmarca e cara y completa e look di makeup. Scoge pa un potlood of puiro pa cejas cu ta match e color natural di bo cejas pa yena areanan poco pobla y uza un gel pa cejas transparente of getint pa fiha nan na nan luga pa e anochi.

Peñanan sleek

Complementa bo makeup cu un peinado chic. Cabey liso y straight of un bun abou ta ofrece sofisticacion, mientras cu 'waves' suave ta provee un toke romantico. Accessorisa cu hairpinnan of diademanan decora por eleva e estilo, agregando un elemento festivo na bo conhunto.

Tipnan di Preparacion:

- **Cuido di cuero prome:** Priorisa cuida di cuero door di limpia, exfolia y hidrata pa crea un base suave pa aplicacion di makeup.
- **Formulanan duradero:** Scoge productonan di makeup duradero of waterproof pa sigura cu bo look ta keda intacto durante e celebracionnan.
- **Productonan fijador:** Uza un 'setting powder' pa controla briyo y un spray fijador pa cera bo makeup, proveendo durabilidad y un acabado impecabel.

Door di incorpora e tendencia y tecnicanan aki, bo por crea un look di Bispo di Aña Nobo impresionante cu ta captura e spirito festivo y ta yama bon bini na e aña nobo cu estilo y confiansa.

Cuidando bienestar:

Preparando pa un año nobo prospero

MIENTRAS cu e Año Nobo ta acercando, ta un momento ideal pa reflexiona riba crecimiento personal y establece intencionnan p'e lunanan nos dilanti. Integra custumbènan di bienestar den bo rutina por habri caminda pa un año prospero y satisfactorio. Ata algun practica pa considera:

Reflexiona y establece intencionnan

Cuminsa door di evalua e año cu a pasa—reconoce logro y identifica areanan pa mehoracion. E reflexion aki ta yuda den establece metanan realistico y significativo. Dividi obhectivo mas grandi den pasonan mas chikito y manehabel ta permiti celebracion di progreso na caminda. Brasando e año nobo cu brasanan habri, laga e tipnan di bienestar aki guia bo riba bo caminda pa un bo mas saludabel, feliz y radiante. Salud pa un año di descubrimiento propio y transformacion positivo!

Organisa bo espacio

Un ambiente ordena ta fomenta claridad mental. Cuminsa e año door di organisa bo espacionan di biba y traha. E acto aki ta simbolisa un comienso fresco y por reduci stress. Organisa bo feednan di social media y des-inscribi di newsletternan cu no ta inspira bo tambe por contribui na un sentido di renobacion.

Priorisa salud fisico

Ehercicio regular ta aumenta animo y nivelnan di energia. Incorpora actividadnan cu bo ta disfruta, manera cana,



yoga, of baila, pa haci'e sostenibel. Nutri bo curpa cu nutricion balansa, enfocando riba cumindanan integral cu ta provee energia sosteni.

Practica mindfulness

Participa den practicanan di mindfulness, manera meditacion of ehercicionan di respiracion profundo, por aumenta bienestar mental. E practicanan aki ta yuda maneha stress y mantene bo conecta cu tera. Trata bo mes bon, en bes di cu restriccionnan severo y auto-scrutinio, ta aumenta bienestar y ta proteha bo energia y salud.

Establece habitonan saludabel

Identifica habitonan cu ta alinea cu bo metanan di bienestar. Sea ta mehora higiena di sueño, keda hidratada, of limita tempo di pantaya, cambionan chikito consistente ta conduci na beneficiacionan significativo. Sigui cu e basico y e miho habitonan nobo por inspira bo pa keda riba caminda den e año nobo y mas leu.

Conecta cu comunidad

Construi y mantene relacionnan ta provee apoyo emocional. Participa cu amigonan, famia, of uni gruponan cu ta comparti bo interesnan pa fomenta un sentido di pertenencia.

Brasa siñamento continuo

Busca habilidad of hobinan nobo cu ta emociona bo. Siñamento continuo ta mantene e mente skerpi y ta habri porta pa oportunidadnan nobo.

Door di incorpora e custumbènan di bienestar aki, bo ta establece un fundeshi pa un Año Nobo prospero. Corda, e caminda pa bienestar ta continuo y cada paso tuma cu intencion ta trece bo mas cerca di un bida balansa y satisfactorio.





NOW PLAYING



Kraven the Hunter

Kraven's complex relationship with his ruthless father starts him down a path of vengeance, motivating him to become not only the greatest hunter in the world, but also one of its most feared.



Mufasa - The Lion King

Lost and alone, orphaned cub Mufasa meets a sympathetic lion named Taka, the heir to a royal bloodline. The chance meeting sets in motion an expansive journey of an extraordinary group of misfits searching for their destinies.



Moana 2

Moana journeys to the far seas of Oceania after receiving an unexpected call from her wayfinding ancestors.



Dirty Angels

Soldiers in an all-female commando unit pose as members of a relief organisation to save a group of schoolgirls taken hostage by terrorists in Afghanistan.

For Showtimes and Online Ticketing: www.caribbeancinemas.com

DEPORTE

DEPORTE@AWEMAINTA.COM

Aruba Bank a sostene Blue Marlins cu sponsorship di uniform



Stimami. Sterilisami.

REGISTRA AWO

Y BENEFICIA DI NOS SUBSIDIO CU TA
CUBRI TE CU 45% DI E COSTO DI
STERILISACION DI BO MASCOTA Y UN
MICROCHIP GRATIS!

PA MAS INFORMACION BISHITA:
WWW.STIMAMISTERILISAMI.COM



ARUBA Bank ta orguyoso di por a anuncia su sponsorship pa Blue Marlins Baseball Team, un total di 20 uniformnan completo p'e ekipo U10 bou di e nomber di Wave Breakers. Esaki ta inclui jerseys, carson, faha, mea y pechi, p'asina garantisca cu e ekipo ta bon prepara pa ta exitoso.

E organisacion Blue Marlins ta dedica na duna e hubentud bou di 16 aña un experiencia positivamente cu baseball, cu ta enfoca riba desaroyo di habilidad, trabou den ekipo, y e spirito deportivo.

Nos ta orguyoso di a sostene Blue Marlins den nan mision pa inspira atleta hoben. E patrocinio di uniformnan ta un di e manera cu Aruba Bank ta yuda e hobennan aki briya riba y for di tereno di wega.



Managernan di MLB ta comparti perspectiva:

Cambionan di regla, playoff y e oponentenan mas dificil

DURANTE e reunionnan di winter di MLB, mientras cu rumor di intercambio y acuerdonan di agente liber a domina titularnan, managernan di tur 30 team a reuni pa comparti nan puntonan di bista riba e estado actual di e wega. For di posibel cambionan di regla te na formatonan di playoff y e hungadonan cu menos nan kier enfrenta, aki ta loke e capitanan di baseball tabatin di bisa.

Cual t'e siguiente cambio di regla?

Mientras cu algun manager ta contento cu e cambionan recién, otronan tin sugerencianan. Ron Washington di Angels a argumenta pa elimina e regla di tres tiro over y permiti pitchernan mas tempo pa tira: *"Pitchernan experiencia por ahusta, pero ta dificil p'e hobennan."* Mientras tanto, Derek Shelton di Pirates a sugeri introduci un sistema di desafio di zona di strike, similar na experimentonan di liga menor. En general, mayoria di managernan, manera A.J. Hinch di Detroit, ta kere cu e reglanan ta funcionando bon: *"Mi no a mira casi ningun keho."*


Playoff expandi: Exito of fracaso?

E formato di playoff expandi a ricibi feedback principalmente positivo. Managernan ta aprecia su capacidad pa mantene teamnan competitivo te september. Rocco Baldelli di Twins a elogia e formato, yamando e *"bon p'e wega"*, mientras cu Derek Shelton a nota su factor di emocion: *"Cualquier cos cu ta mantene weganan significativa den september ta importante."*

Sinembargo, preocupacionnan ta keda. Washington a destaca cu teamnan cu temporadanan regular dominante hopi biaha ta sufri di pausanan largo: *"Nos mester haya un manera pa mantene nan activo."* Similarmente, Terry Francona a critica e dependencia riba weganan di bullpen, argumentando cu e no ta refleha con teamnan ta realmente construi durante 162 wega.

E batiado cu ningun hende kier enfrenta

Ora a puntra nan cual batiado nan lo menos kier enfrenta cu e wega na linea, varios number grandi a aparece. E strea di Angels, Shohei Ohtani, e slugger di Yankees, Aaron Judge y



e recién firma di Mets, Juan Soto, tabata contestanan recurrente. Shelton a destaca Soto pa su pasenshi: *"E ta pone bo tira strike y por haci daño na cualquier luga."* Mientras tanto, Washington a destaca Mookie Betts cu un harimento: *"Pasobra el a kibra mi hopi biaha."*

E pitcher cu bo lo confia mas

Managernan tabata dividi ora di scoge e pitcher cu nan lo dun'e bala den un wega crucial. Nombornan manera Zack Wheeler (Phillies), Corbin Burnes (Brewers) y Max Scherzer a destaca pa nan confiabilidad y determinacion. Baldelli di Twins y Hyde di Orioles ambos a destaca Tarik Skubal di Tigers, elogiando su dominio y capacidad pa controla weganan.

E miho manager den baseball

Ora a puntra nan pa nombra e miho manager (ademas di nan mes), Bruce Bochy y Terry Francona tabata claramente e favorito. Washington a elogia e maneho di bullpen di Bochy, mientras cu Shelton y Baldelli ambos a elogia e capacidad di Francona pa inspira hungadonan. Baldelli a resumi esaki: *"E ta haci hende sinti cu nan por haci cualquier cos—y despues nan realmente ta haci'e."*

For di ahustenan di regla te na intensidad di playoff, managernan di MLB a ofrece perspectiva valioso riba e evolucion di nan deporte, cu un respet saludabel p'e strea y lidernan di e wega.

E premionan anti-personalidad deportivo 2024:

Celebrando e storianan deportivo mas straño di aña

MIENTRAS cu BBC ta prepara pa celebra e miho di deporte n'e premionan anual di Personalidad Deportivo di Aña, aki tin un bista riba e momentonan mas desconcertante, ridiculo y asombroso di deporte na 2024.

Un anus horribilis pa Xiangqi

Ahedrez Chines, of Xiangqi, tabatin su aña mas scur te ainda, marca pa scandal y absurdidad. El a cuminsa ora Yan Chenglong, fresco despues di a gana e torneo Nacional di Rey di Ahedrez Chines, a wordo kita di su titulo. Pakico? Celebracionnan despues di victoria supuestamente a hiba Yan na profana su badkuip di hotel den loke a wordo describi como un acto cu a *“daña propiedad di hotel, viola orden publico y bon moral y tabatin un impacto negativo riba e deporte.”*

Yan a defende su mes, alegando cu e tabat'e resultado di un atake repentino di diarea y un vuelo cu mal timing. E fiasco a bira pio na september ora dos di e grandmasternan di e deporte—Wang Tianyi y Wang Yuefei—a wordo prohibi pa bida pa fixmento di wega. Un mal aña pa Xiangqi? Esey ta un understatement.

E saga di spion di futbol Canades

E team femenino di Futbol di Canada a enfrenta scandal n'e Weganan Olimpico di Paris ora nan a wordo gara uzando dronenan pa spiona riba e sesionnan di training di nan oponentenan. Un entrenador y un analista a wordo manda cas, mientras cu e entrenador principal Bev Priestman a tuma *“responsabilidad”* p'e incidente, aunke el a insisti cu e no tabatin envolvimento directo.

E consecuencianan a escala ora un revision interno a hiba n'e dispidimento di Priestman, a pesar cu Canada a avansa den e torneo. E sorpresa? E spion a resulta di ta completamente inutil—New Zealand, e obhetivo di nan vigilancia, tabata hopi malo.

Gueranan di wiki di e ultrarunner Camille Herron

Ya caba un leyenda den careda di ultramaraton, Camille Herron a kibra varios record na 2024, incluyendo distancia te cu 900km den un careda di seis dia. Sinembargo, e hobby di su casa Conor Holt di *“edita”* paginan di Wikipedia a agrega un toke di caos.



Holt a bay riba un racha, aumentando e pagina di Herron cu descripcionnan briyante manera *“legendario”* mientras ta elimina elogio pa su rivalnan.

E consecuencianan a costa Herron un acuerdo di patrocinio cu Lululemon, mientras cu acusacionnan a bula tocante su cuestionamento di e legitimidad di e recordnan di otro. Trishul Cherns, un lider den ultramaraton, a resumi esaki: *“Mi nunca a mira ningun hende mesun talentoso cu Camille, cu ta asina dedica na crea division y animosidad.”*

E team di basketball Colombiano falso

Rusia, prohibi di basketball internacional, a organisa su propio torneo—solamente pa bira victima di Christian David Mosquera Durán, un estudiante Colombiano na Kazan. Durán a intercepta un invitacion destina p'e team nacional di Colombia y na su luga a trece un grupo di amigonan p'e torneo.

E *“team”* a resulta di inclui un blogger di basketball, un ingeniero y hungadonan di liganan local di caya. Den nan prome wega, nan tabata atras 41-2 despues di e prome quarter, eventualmente perdiendo 102-53. E anfitrionnan a manda nan cas rapidamente, lagando tur hende ta rasca nan cabes.

E team paralimpico fantasma di Ghana

Den ainda un otro incidente straño, un supuesto team Paralimpico di Ghana a yega Noruega pa un marathon. Ni un di e 11 participantenan a presenta p'e careda. Dianan despues, nan entrenador a fayece tragicamente den un hospital di Oslo, un miembro a wordo aresta n'e frontera di Suecia y e resto a desaparece completamente, lagando organizado y autoridadnan desconcerta.

For di badkuip profana te na teamnan di basketball falso, 2024 a entrega storianan deportivo asina straño cu nan merece nan propio premionan. Sea scur, engañoso, of simplemente bobo, e momentonan aki ta prueba cu e mundo di deporte ta mesun impredecible pafo di e veld manera e ta riba dje.

OTRO PERSPECTIVA
Cu Marilu



CLICK AKI

Euro Femenino 2025:

Inglatera den ‘Grupo di Morto’ cu Francia, Hulanda y Wales



E campeón actual, Inglatera, ta enfrenta un reto grandi den Euro Femenino 2025 despues di a wordo poni den Grupo D hunto cu Francia, Hulanda y e debutante di torneo, Wales. Cu e torneo programa pa tuma luga na Suiza di 2 di juli pa 27 di juli, e grupo aki ta priminti drama di alto riesgo y competencia feroz.

Caminda difícil pa dilanti p’e lionesses

Inglatera, lidera pa Sarina Wiegman, lo cuminsa nan campaña cu un wega di apertura espectacular contra Francia dia 5 di juli na Zurich. Despues nan lo enfrenta Hulanda dia 9 di juli, un team cu Wiegman a guia famosamente na gloria Europeo na 2017, prome cu conclui e fase di grupo cu un clash hopi anticipa contra nan bisiña Wales dia 13 di juli na St. Gallen.

“Ta un sorteo difícil y un grupo hopi emocionante,” Wiegman a admiti. “Cada wega den e grupo aki lo ta desafiador y emocionante, pero nos mester ta cla pa 5 di juli.”

Prome aparicion historico di Wales

Pa Wales, esaki ta marca nan debut den un torneo femenino grandi y e reto no por ta mas grandi. Clasifica na di 30 luga den mundo, nan t’e team cu e seeding mas abou den e competencia y lo habri contra Hulanda dia 5 di juli. E entrenador principal Rhian Wilkinson ta keda optimista, aceptando e rol di underdog: “Nos ta un team peligroso. Resistente y hungando bon, tin tur probabilidad cu nos lo sorprende hende.”

E veterano di mediocampo Jess Fishlock a agrega: “Nos a hunga contra Inglatera prome, pero esaki lo t’e version mas grandi y miho di e wega aki te awor.”

Otro gruponan pa observa

E campeón mundial defensor España a evita Grupo D, cayendo den Grupo B cu Portugal, Belgica y Italia. Alemania, subcampeon na Inglatera na 2022, ta enfrenta un Grupo C difícil hunto cu Suecia, Dinamarca y Polonia. E anfitrión Suiza ta encabesa Grupo A cu Noruega, Islandia y Finlandia,

iniciando e torneo na Basel dia 2 di juli.

Pool di premio expandi y stadionnan historico

UEFA a anuncia un pool di premio record di €41 miyon, un aumento di 156% for di 2022, cu un parti garantisa pa wordo distribui n’e hungadonan. Weganan lo wordo hunga den ocho ciudad Suizo, cu e final programa pa 27 di juli na St. Jakob-Park di Basel.

Fecha y weganan clave pa Grupo D

5 di juli: Francia vs. Inglatera (8pm, Zurich); Wales vs. Hulanda (5pm, Lucerne)

9 di juli: Inglatera vs. Hulanda (5pm, Zurich); Francia vs. Wales (8pm, St. Gallen)

13 di juli: Inglatera vs. Wales (8pm, St. Gallen); Hulanda vs. Francia (8pm, Basel)

Cu un formato expandi y riesgonan aumenta, Euro Femenino 2025 ta prepara pa ta un di e torneonan mas emocionante den historia di e competencia. Pa Inglatera, nan biahe pa defende e titulo lo cuminsa den e “Grupo di Morto,” unda cada wega ta sinti manera un final.

APPAREL **BOAT ACCESSORIES**

TODOMAR

f TodomarAruba @TodomarAruba TodomarAruba +297 585 0555

FISHING TACKLE **FIBERGLASS PRODUCTS**



Remedi por controla ubicacion di djente nobo cerca hende

INVESTIGADONAN Hapones ta trahando riba un remedi cu por revolucionaria odontologia door di regenera djente cerca hende, ofreciendo un alternativa innovador n'e implante y djente falso, segun AFP. E tratamento aki ta basa riba estimulacion di brote dental latente, un di tres generacion di djente, presente bao di e sencia.

E ekipo lidera pa Katsu Takahashi, hefe di cirugia oral den e Hospital Kitano di Osaka, a descubri kico ta blokia e proteina USAG-1, por activa e brotena scondi aki. E estudionan cerca raton y huron a mostra resultado prometedor, logrando cu djente



nobo a crece. Potret di e animalnan aki a mostra e exito inicial di e pruebanan.

Actualmente, e investigacionnan ta enfoca cerca e pashentnan cu hipodoncia congenita, un condicion hereditario caminda cu falta seis of mas djente permanente. E malesa aki por afecta significativamente e capacidad di kauw. Segun Takahashi, e remedi por ta disponibel p'e pashentna te na 2030, marcando un cambio radical den nan bida.

Un característica destacabel di e tratamento aki ta e posibilidad di controla e ubicacion di djente nobo mediante e luga ta inyecta e remedi. Takahashi a splica cu, den caso di un crecimiento den un posicion incorrecto, e djente por wordo movi despues mediante ortodoncia.

P'awo, e testnan clinico inicia ta wordo realiza cerca adulto sano cu a perde por lo menos un djente, cu e obhetivo principal di garantis e seguridad di e remedi. Aunke e regeneracion dental no ta e obhetivo principal di e etapa aki, ta existi un posibilidad cu e participantenan experiencia e efecto aki. *"Mi lo keda hopi contento cu e por t'asina,"* Takahashi a comenta.

E expertonan manera Chengfei Zhang, profesor di endodoncia n'e Universidad di Hong Kong, ta considera e enfoque aki "innovador". Sinembargo ta adverti cu e resultadonan obteni cerca animal no semper ta traduci directamente cerca hende. A pesar di esey, e avance aki por representa un logro den medicina regenerativo, cambiando e forma cu nos ta trata abnormalidad dental den futuro.



Wind Creek Aruba ta comparti e alegria di Pasco

Entregando macutu di Pasco na alumnonan di scol basico



WIND Creek Aruba, un lider reconoci den industria hotelero di Aruba, ta orguyoso di introduci su “*Corporate Social Responsibility Committee*.” E ekipo dedica aki, forma di miembro di varios departamento, ta profundamente comprometi cu yuda nos medio ambiente y comunidad. E esfuersonan di e comite ta enfoca strategicamente riba cuater pilar clave: Social, Educacion, Salud & Bienestar y Medio ambiente.

Cu gran placer nan ta anuncia nan iniciativa esta, pa trece alegria y e sentido di pertenece n’e comunidad durante e temporada di fiesta aki. Den un gesto di amor, e comite a distribui macutunan di Pasco na alumnonan di varios scolnan basico riba e isla, sigurando cu nan por disfruta di un cena di Pasco feliz cu nan famia.

E macutunan di Pasco, yena cu cos dushi y productonan esencial, a wordo rifa y distribui entre e muchanan. Esaki ta un di e hopi iniciativa cu ta parti di e esfuersonan mas amplio di e compania pa duna bek na e comunidad y haci un impacto positivo den bida di esnan cu tin necesidad.

“*Nos ta kere den e poder di duna bek.*” un di e miembronan di comite di Wind Creek Aruba a bisa. “*Dunando e macutunan di Pasco aki, nos ta spera di trece un tiki mas alegria na e alumnonan y nan famianan durante e temporada special aki. Esaki ta nos manera di bisa danki y duna bek na e comunidad.*”

E alegria di e alumnonan tabata sumamente positivo, hopi a expresa nan gratitud p’e apoyo y generosidad muestra pa Wind Creek Aruba. Nos ta gradici Ling & Sons pa nan yudansa den preparacion di e macutu cu comestibel y ham.

Mientras cu e temporada di fiesta ta cerca, Wind Creek Aruba ta keda comprometi na su mision di responsabilidad social corporativo y lo sigui busca oportunidadnan pa apoya y eleva e comunidad local. E iniciativa di macutu di Pasco aki ta solamente un di e hopi manera cu e compania ta haci un diferencia.

Setenta aña di Statuut

Reflexion y oportunidad nobo di colaboracion

DIA 15 di december 1954 a firma e Statuut pa Reino Hulandes, marcando un logro significativo den historia di e nacion entre Hulanda y su teritori-onan den Caribe. E documento aki a establece un structura huridico nobo, dunando fin n'e sistema colonial y estableciendo un relacion basa riba cooperacion y autonomia. Na 2024, e Statuut ta sigui ta relevante den ofrece posibilidad pa profunda y amplia e colaboracion entre e paisnan di Reino.

E articulo aki ta explora con, a pesar di e reto y e diferencianan, e Statuut a demostra ta un cuadro valioso pa guia e relacionnan entre Hulanda y e teritori-onan Caribense. Tambe ta analisa proposicion concreto pa atende desigualdad structural y fomenta un colaboracion mas igual.

Instrumento di colaboracion

E Statuut ta establece dos instrumento principal pa structura e cooperacion entre e paisnan di Reino: e leyman di consenso y e acuerdonan intergubernamental informal. E leyman di consenso ta aproba p'e Parlamento di Hulanda (Tweede Kamer), pero su creacion ta rekeri e consentimiento di e paisnan envolvi. Aunke e leyman aki ta ofrece un base solido p'e colaboracion, nan a genera preocupacion den e paisnan Caribense debi n'e predominio di e organonan Hulandes den e proceso di e tumamento di decision. Pa atende e inkietudnan, ta recomenda garantisar e participacion activo di e paisnan Caribense den tur e etapanan di e proceso legislativo y establece regla cla riba e posibilidad di terminacion unilateral di e leyman aki.

Di un otro banda, e acuerdonan informal ta instrumento mas flexibel cu no ta rekeri aprobacion parlamentario y ta permiti un mayor igualdad entre



e partinan. Aunke nan no por contene disposicion vinculante p'e ciudadanonan, nan ta ideal p'e acuerdonan di cooperacion specifico entre e paisnan Caribense.

Pa un mayor igualdad

Igualdad ta un principio fundamental di e Statuut, aunke den practica e relacionnan ta desigual debi n'e diferencianan den tamaño, economia y capacidad administrativo. Pa balansa e relacionnan aki, ta propone otorga derecho di voto n'e habitantenan Hulandes den e paisnan Caribense y

fortalece e posicion di e Ministernan Plenipotenciario den e Consehonan di Minister di Reino.

Tambe, ta subraya e necesidad di establece un mecanismo efectivo pa resolve disputa dentro di Reino, siguiendo cu e desacuerdonan ta trata di manera igual y eficiente.

E recomendacionnan aki ta busca pa fortalece e colaboracion entre e paisnan di Reino, promoviendo un balans husto y sostenibel na beneficio di tur e ciudadanonan di Reino.



Beauty Bar
by Jen

+297 730 1486

SABANA BLANCO 40
ORANJESTAD, ARUBA



Beauty Bar

P.M.U &
LASH ARTIST

By JEN

Specialised in

Brows, lips & Eyeliner ♦ Pedicure ♦ Microblading
♦ Powderbrows ♦ Threading ♦ Brow Lamination
♦ Lip pigmentation & blush ♦ Eyeliner

 Beauty Bar by Jen

 beautybar_byjen



Imagen aereo cu drone ta impulsa renobacion di planta di tratamiento na Kleinhofje



DEN cuadro di e renobacion di e planta di tratamento di awa residual di Kleinhofje, Ministerio di Trafico, Transporte y Planificacion Espacial di Corsou, ta uzando imagen saca cu drone pa optimalisa e proceso. E grabacionnan aereo aki ta wordo realisa entre dia 16 y 29 di december, cubriendo e areanan di Julianadorp, Jandoret y Kleinhofje.

E uzo di drone ta representa un herment clave p'e proyecto aki, ya cu e ta proporciona un vision detaya di e infraestructura rond di e planta di tratamiento. E imagennan aki ta fundamental pa un planificacion mas eficiente y sostenibel di e obranan permitiendo cu e proyecto avansa cu precision y minimalisando posibel imprevistonan.

E planta di tratamento di Kleinhofje ta hunga un papel esencial den e depuracion di awa residual proveniente di e comunidannan den cercania. Cu e renobacion aki, e Ministerio ta busca aumenta su capacidad operativo y reduci e impacto

ambiental. E esfuerzo ta cuadra dentro di un plan mas amplio pa promove un infraestructura mas sostenibel na Corsou.

E Ministerio a sigura cu e imagennan cu drone ta wordo obteni exclusivamente pa piloto certifica y ta uza unicamente pa fin tecnico. Ademas, ta respeta estrictamente e reglanan di privacidad, garantizando cu e grabacionnan solamente ta inclui e areanan necesario. E autoridadnan a destaca cu e uzo di e tecnologia aki ta cumpli cu tur e ley y reglamentonan aplicabel n'e maneho di drone.

E proyecto aki ta representa un avance significativo pa un maneho mas eficiente y ecologico di e awanan residual rib'e isla, mehorando e calidad di bida di e habitantenan y protegiendo e medio ambiente. E autoridadnan ta spera cu e renobacion di Kleinhofje no solamente ta optimalisa e capacidad di tratamento, sino tambe ta establece un precedente pa futuro proyecto di infraestructura na Corsou.

Ley nobo di wega ta lanta preocupacion riba labamento di placa



E aprobacion recien di e Ley Nacional di Wegu di Suerte (LOK) p’e Parlamento di Corsou a genera preocupacion riba posibel riesgo p’e isla y Reino Hulandes. Luigi Faneyte, experto financiero y denunciante, a cualifica e ley aki como “un ley di labamento di placa” y a adverti cu e por atrae actividad di crimen organisa.

Faneyte, kende ya a critica e proposicion y hasta a presenta denuncia riba dje, a señala cu e ley aki ta entrega e control di e mercado na inversionista stranhero di identidad desconoci. Tambe el a destaca cu minister Silvania, no a presenta un plan concreto cu ta garantisa cu e reformanan ta genera trabao y entrada p’e habitantenan di Corsou.

Preocupacion riba supervision

Un di e puntonan mas polemico ta e rol di e Hunta di Control di Wegu (GCB), cu lo wordo transforma den e Autoridad nobo di Wegu di Corsou (CGA). Segun Faneyte, e organismo aki falta di personal suficiente y di regla cla, loke ta limita su capacidad di supervisa e proceso rapido di otorgamento di licencia. Tambe, tabatin un aumento di keho di hungado y operador riba practica ilegal, perdida significativo y falta di

regla cla.

“GCB ya tin dificultad pa cumpli cu su responsabilidad actual. Con e por maneha un centenar di permiso y operacion financiero compleho?”, Faneyte a cuestiona.

Riesgo financiero y reputacional

Faneyte a alert cu e implementacion di LOK lo por afecta e imagen internacional di Reino. Ta existi e riesgo cu Corsou wordo inclui riba e lista preto di e Grupo di Accion Financiero Internacional (FATF), loke por disuadi e institucionnan financiero global di opera den e pais causando repercusion economico grave.

E aceptacion di criptomoneda sin regulacion cla ta otro factor preocupante ya cu e por converti e isla den un faro di labamento di placa y crimen organisa.

Advertencia di caos

Faneyte a anuncia cu e lo sigui cu su lucha contra e ley y lo ofrece sosten na esunnan cu haya nan perhudica. *“E caos ya a cuminsa, pero lo pio ta na caminda. E ley aki lo tin consecuencia grave, tanto financiero como social,”* el a conclui.

BONEIRO

Proyecto di LVV ta impulsa produccion di porco na Boneiro



DEPARTAMENTO di Agricultura, Cria y Pesca (LVV) di Boneiro, a cuminsa cu un proyecto ambicioso pa aumenta significativamente e produccion di carni di porco rib’e isla. Como parti di e iniciativa aki, ya ta construyendo instalacion specifico rib’e tereno di LVV p’e maneho y criansa di porco.

Boneiro ta conta actualmente cu un produccion rasonabel di carni di cabrito y carne. Sinembargo, segun director di LVV, Maurice Adriaens, e produccion di otro tipo di carni, manera esun di porco, ainda ta den su prome etapanan. *“Nos ta construyendo e instalacionnan necesario y buscando un agricultor cu ta encarga di e produccion y maneho di e proyecto,”* Adriaens a afirma, kende tambe a señala cu ya e combersacionnan cu posibel candidatonan interesa pa lidera e iniciativa aki ta tumando luga.

Asesoramento specialisa

Pa sigura e exito di e proyecto, especialista di Colombia, cu experiencia den produccion di porco, lo ofrece conseho y orientacion tecnico. Den un prome etapa, e produccion lo mantene riba un escala chikito, calculando cu lo tin esaki cla

pa sacrificio aproximadamente 10 porco cada 4 pa 5 luna.

E proyecto aki ta forma parti di e esfuersonan continuo di LVV pa aumenta e autosuficiencia alimentario di Boneiro. E dependencia di busca pa reduci e dependencia di e importacion y fomenta un mayor produccion di alimento na nivel local, promoviendo un modelo mas sostenibel y beneficioso p’e comunidad.

E iniciativa no solamente ta representa un avance den e diversificacion di e produccion di carni, sino tambe ta brinda oportunidad p’e desaroyo economico local y e creacion di trabao den e sector agricola. Cu e combinacion di infraestructura moderno y sosten specialisa, Boneiro lo encamina pa fortalece su capacidad pa satisface e demanda di producto di carni fresco y di calidad.

E paso aki ta refleha e compromiso di LVV cu e desaroyo sostenibel y autosuficiencia alimentario di e isla, posicionando como un motor clave pa progreso den e sector agropecuario local.

Ta pidi transparencia riba morto di crocodil

REDACCION di ABC Online Media a presenta un peticion bao Ley di Acceso na Informacion Publico (WOB) na Cuerpo di Gobierno di Boneiro (OLB) y e organisacion di conservacion natural Stinapa. Ambos institucion a haya nan involvi den un controversia prolonga riba causa di e morto di un crocodil haya na Boneiro na principio di e aña aki. Aunke ta existi un informe di autopsia, e falta di transparencia y e acusacionnan mutuo a genera tension.

E peticion ta para den articulo 3 di e Ley di Acceso na Informacion Publico di e Islanan BES y ta busca pa clarificatur e proceso relaciona cu e crocodil, for di su hallazgo te na su morto. Den e documento ta pidi acceso y informacion, evaluacion y correspondencia interno, incluyendo e-mail, mensahe di WhatsApp entre e gezaghebber di

Boneiro y e director interino di Stinapa. Tambe ta pidi informacion comparti cu tercera, manera e dierentuin di Rotterdam (Blijdorp/Roffa Reefs) y e entidadnan científico internacional.

Rumor di maltrato

E caso di e crocodil a desencadena varios rumor, entre cual ta destaca e posibilidad di maltrato durante su captura. Segun testimonio no oficial, e animal lo a sufri un maneho bruto door di keda atrapa den net, loke por a provoca hemorragia interno. Tambe, ta cuestiona si e instalacionnan caminda cu el a wordo traslada tabata adecua pa alberga un animal di su tamaño y especie.

ABC Online Media ta busca contesta cu ta aclaria e circunstancianan exacto di su morto y ta evalua e actuacionnan



di e institucionnan involvi. E peticion ta pone enfasis special riba e acontecimentonan cu a sosode durante e ultimo etapa di e proceso, ora cu e crocodil tabata den custodia.

E falta di informacion oficial no solamente a alimenta speculacion, sino cu tambe a genera critica p'e practicanan di conservacion na Boneiro. E redaccion ta spera cu e esfuerzo aki pa obtene transparencia por contribui na identifica posibel irregularidad y pa evita futuro incidente similar.





PASEO HERENCIA

COMFORT, FOOD AND COCKTAILS



FOR SHOWTIMES AND ONLINE TICKETING:
WWW.CARIBBEANCINEMAS.COM

 **787-999-3292**

 **@caribbeancinemasaruba**

 **Caribbean Cinemas Aruba**

DOWNLOAD OUR APP



GET IT ON
Google Play



Download on the
App Store

RECETA DI DIA



Ponche Crema

PONCHE Crema ta un bebida emblematico di fiesta, specialmente popular na Latino America y Caribe. Cu su mescla di sabor dushi y cu specerij, e ta ideal pa comparti den reunion familiar y celebra e temporada di fin di aña.

Prepara e receta aki na cas no solamente ta garantisca un sabor autentico, sino cu tambe ta permiti personalis'e segun e gusto di cada ken.

Ingrediente:

5 dor di webo
1 bleki di lechi condens (aproximadamente 395 gram)
1 bleki di lechi evapora (aproximadamente 360 gram)
1 cup di rum blanco of na gusto
1 telep di esencia di vanila
½ telep di nootmuskaat mula
¼ telep di cane na polvo
1 lemon zest (opcional)

Instruccion:

1. Prepara e base: Den un comchi, bati e dornan di webo te ora cu nan a scuma levemente. Pon'e un banda.

2. Cushina e mescla: Den un wea mediano, mescla e lechi condense, e lechi evapora y e specerijnan (nootmuskaat, cane y e lemon zest si bo uza). Keinta rib candela mediano-abao, mesclando constantemente pa evita cu e pega.

3. Incorpora e dornan: Agrega un cantidad chikito di e mescla cayente n'e dornan bati, mesclando constantemente pa "templa" nan. Despues, basha e mescla aki di dor, lentamente bek den e wea, sin stop di draai.



4. Haci e mescla diki: Cushina riba candela abao te ora cu e mescla bira diki levemente, similar na un "light cream". Esaki por tarda mas of menos 8-10 minuut. No permiti p'e herbe.

5. Agrega e rum y vanila: Kita e wega for di e candela y lag'e fria un poco. Agrega e rum y e esencia di vanila, mesclando bon.

6. Fria y sirbi: Cola e mescla pa elimina cualkier klompi y basha den boter of recipiente di glas sterilisa. Lag'e fria completamente prome cu hinc'e den frigidaire. Sirbie friu, decorando cu un toke di nootmuskaat raspa riba dje. Disfruta di e dushi bebida aki cu ta combina tradicion y calor, perfecto pa brinda durante e dianan di fiesta. Salud!

Fortaleza pa Famia

No lubida, ora nos muri, tur cos ta keda atras

TA awor cu nos ta bida ta existi e oportunidad, pa drecha nos relacion cu Dios, pa ora morto presenta, nos por bay cerca Señor. Dios a duna tur hende oportunidad igual, pasobra Dios a stima e mundo completo y a pone bida di Su Yiu disponibel pa pordon di nos picanan. E plan di salvacion cu Dios ta ofrece na mundo henter, ta un muestra di amor, compasion y misericordia. pasobra e ta necesario, pa evita nos lo termina den fierno.

Cielo ta existi (Juan 14:1-3).

Fierno ta existi (Lucas 16:19-31) (Revelacion 29:11-15).

Laga nos no biba den ignorancia di esey, pasobra e plan di e enemigo ta pa hende kere tur dia, cu tin suficiente tempo, cu nan por sigui biba manera nan kier y no tene cuenta cu e palabra di Dios, p'asina cay den su gara, pa nan biba y muri sin Cristo Hesus.

E lucha di hende pa poder, pa rikesa, pa dominio riba otro, no ta nada mas cu algo temporal, pasobra e ta pasa bay manera biento y si nos no tene cuenta nos ta keda atras, pasobra nos salvacion ta personal y e no ta mara na nada material.

Esun cu kere lo ta salba y esun cu no kere lo ta condena, pasobra e no a kere den e Yiu unigenito di Dios y esey ta conta pa tur hende igual, no tin ningun hende cu tin un servicio special cerca Dios, ta tur hende mester yega cerca e Tata pa medio di Su Yiu Cristo Hesus, kende t'e caminda di e berdad y e bida.

Ta hopi distraicion tin pa kita hende su bista for di locual ta di Dios, ta hopi tentacion ta bini riba bida di hende, p'esey Hesus ta bisa: Keda vigila y haci oracion, pa boso no cay den tentacion, e spirito ta boluntario ma e carni ta debil (Mateo 26:41).

Dios a reconcilia su mes cu e mundo pa medio di Cristo Hesus (2 Corintionan 5:19).

Y si nos confesa nos picanan Dios ta fiel y husto di perdona nos, nos picanan y libra nos di tur inhusticia (1 Juan 1:9).

Dios no kier pa ningun hende bay perdi pero pa tur hende yega n'e conocimiento di e berdad.

Hesus a bay nos dilanti y bay prepara luga pa nos tur den



cas di Su Tata (Juan 14:1-3).

Hesus a bisa bin cerca mi tur cu ta cansa y carga y lo mi duna boso sosiego (Mateo 11:28).

Awor nos ta mira con e rechazo di Dios, bofon, chercamento, inmoralidad ta aumentando mundialmente. falsedad, falta di respet, ta demostra na nos cu di berdad nos ta bibando den tempo trabahoso.

Hende kier biba pa nan mes, sin tene cuenta cu Dios, sin ningun speransa, pasobra nan no tin tempo pa Dios.

Bijbel ta splica, bon cla den Hebreonan 9:27: Y mescos cu hende ta destina pa muri un biaha so y despues di esaki ta bini huicio.

No straña boso di esaki, pasobra e ora lo yega den cual tur cu ta den graf lo tende Su bos y lo sali. Esnan cu haci bon pa resurreccion di bida y esnan cu a comete maldad, pa un resurreccion di huicio.

Pero ora nos muri, tur nos rikesa, tur e cosnan cu nos ta gusta y stima lo keda atras, nos no por hiba nada cu nos.

P'esey nos mester entrega nos bida completamente na Cristo Hesus cual ta nos unico speransa pa bida eterna. Salvacion ta un asunto personal, pa nos tur.

Santo di Dia

Papa di unidad y fe

Awe ta Dia di San Anastasio I

TUR 19 di december, Iglesia Catolico ta conmemora San Anastasio I, un papa cu a lidera cu humildad y curashi den tempo di reto teologico. Aunke su pontificado tabata cortico entre e añanan 399 y 401, su impacto den historia di e fe cristianismo tabata significativo.

Den cuadro di su pontificado

San Anastasio I a asumi e papado den un epoca marca pa debate doctrinal cu tabata menasa cu dividi e iglesia. Entre na a destaca e controversianan riba e obranan di Origen, un influyente teologo cual interpretacion di e Escrituranan a genera tanto admiracion como polemica. Papa Anastasio a tu a medida firme pa proteha ortodoxia, advirtiendo contra enseñansa cu por desvia e fielnan.

Su legado spiritual

Conoci pa su senciyas y devocion, Anastasio I a mantene un bida austero hasta como lidere di Iglesia. El a promove unidad y paz, pidiendo e cristiannan biba cu fidelidad n'e Evangelio. Aunke e no a laga e escritonan extenso, su correspondencia cu e lidernan eclesiastico a mustra su compromiso cu e berdad y reconciliacion.

Papa Anastasio tabata tambe un defensor di e uzo liturgico adecua, fomentando reverencia y respet den e celebracionnan religioso. Su influencia a trascende su temp siendo recorda como un modelo di integridad pastoral.

Su canonisacion

San Anastasio I a wordo reconoci como



santo pa su santidad personal y pa su contribucion n'e consolidacion di e fe den tempo turbulento.

Su memoria ta sigui bibo den iglesia, inspirando e fielnan pa ta firme den nan

conviccion y humilde den nan servicio. Riba e dia aki, ta invita pa reflexiona riba su legado di unidad, recordando cu, manera San Anastasio, nos tur ta yama pa ta constructor di paz y defensor di e berdad.



"Señor ta mi wardador, mi'n tin falta di nada. Den cunucu di yerba berde e ta ponemi sosega. E ta hibami na awa trankil, pa mi bolbe haña forsa."
Salmo 23

Cu dolor na nos curason,
nos ta participa fayecimento di nos ser stima:

Florentino Mario Gei

Cariñosamente yama "Tino"
*24-09-1958 - †15-12-2024

Su mayornan: †Antonio y †Arina Gei- Figaroa

Mayornan di criansa: †Sebastian y †Sinforosa- Figaroa

Su esposa: †Sabina Gei-Croes

Su yiunan: Mellisa Gei
Guion Gei

Su nieto: Xeron Vrolijk

Rumannan: Innocencio y †Bernadeta Gei-Gei y famia
Carolina Gei y famia
Alberto y Glenda Gei-Semeleer y famia
Teofilo y Anita Gei-Umans y famia
Nicolás y Helena Gei-Arends y famia
Fabio Gei
Maria Gei y famia
†Remigio Figaroa
†Dionisio y Juanita Figaroa-Kelly y famia
Teresita Figaroa y famia

Sua y cuñanan: Elsa y Emiterio Croes y yiunan
Bernardo Croes
†Wim Croes
Anna Susanna Croes y yiunan
†Francisco Croes y yiunan
Greta Croes y yiu
Maximino Croes
†Raymundo Croes

Sobrino(a)nan: Rina Gei y famia,
Jeanette Gei y famia,
Jameson Hazel y famia
Arina Hazel y famia
Athina Hazel y famia
Albertico Gei y famia
Erwin Gei y famia
Nini Gei
Daan Gei
Cedric Gei y famia
Jessica Olivir- Gei
Marc Steenen y famia
Maghalia Steenen y famia
Jane Lacle-Figaroa
Marisella Croes-Figaroa y famia

Tanta y omonan, Primo(a)nan y actoprimo(a)nan,

Ihanan: Roosje Dirks y famia
Ghislaine Croes
Marlon Petrocchi y famia

Comer y compernan: Christina Koolman
Silvio Tromp

Su bon amigonan: Sebastian y Ludwina Petrocchi

Mama di su yiu muhe: Nivia Leest

Amigo(a)nan, bon bisñanan y conocirnan di cas, amistadnan di EUMAR Lock, amistadnan di e mundo di ciclismo: WFR, BSA, CTD, Arawak, Amistadnan di Bolas Criollas

Amistadnan di banco: CMB, Aruba Bank y Centrale Bank

Famia: Gei, Figaroa, Croes, Geerman, Figueira, Vrolijk, Machintosh, Haseeth, Dabian, Flanegin, Willems, Semeleer, Umans, Arends, Hazel, Oliver, Lacle, Victoria, Franken, Kelly, Christiaans, Koolman, Tromp, Leest, Dake, Steenen, Mauricia, Acosta, Paskel, Rivero, Bouwman, Petrocchi

Ta invita pa acto di condolencia y despedida cual lo tuma lugar na Royal Funeral Home **diasabra 21 di december 2024** di 9'or pa 11'or di mainta.
Cremacion lo tuma lugar despues den seno familiar.

Nos disculpa si den nos tristeza nos por a lubida un of otro famia of conocir.
"Bin cu paña colorido reflehando e alegría di e defunto".

Nos ta lamenta cu despues di entierro NO ta ricibi bishita di condolencia na cas.

"Tur cos aki na mundo tin su ora y su tempo,
Ora pa nace y ora pa muri, ora pa yora y ora pa hari,
Ora pa keda keto y ora pa papia, ora pa stima y ora pa odia, Ora pa guera y ora pa paz"
Predicador 3:1,2,4,7,8

Cu honda pena pero conforme cu Dios su voluntad nos ta anuncia cu a bay sosega den brasa di Señor,
Nos Tata, Suegro, Welo, Bisa-welo, Ruman y Omo stima:

Enrique Simplicio Werleman

Mihor conoci como "Heriki", "Jerry",
"Papa Riki", "Opa", "Mo Heriki".
*02-03-1934 - +14-12-2024



Su dicho di tur dia "Danki Dios cu nos ta na bida"

Na number di su:

Esposa: +Lucila Werleman-Solognier

Yiunan:

Oscar y Maritza Werleman-Lampe
Elvira y Nici Ridderstap-Werleman
Junior Arends y Aliyuri Granda Navarro
Natasha Werleman
Jose Arends

Mama di su yiunan Junior y Jose, Teresita Arends

Nieto- y nietanan stima:

Jarzhno y Juliana Werleman-Cardona Benavides
Sue Ann Werleman
Bryan y Iris Ridderstap
Aldwin Ridderstap
Darryl y Bente Ridderstap-Hillebrand
Christy Ridderstap
Jaim Jo Arends
Nathan Yrausquin
Zaretta Yrausquin

Bisanieto(a)nan:

Juancho, Willem, Shayna, Alysha, Kyra, Sahraya,
Joshua, Yael,
Joanne, Jamaro, Yaela, Evy, Chloë, Jake, Logan

Su Rumanan:

+Crescenia y +Celedoño Bello-Werleman y famia
+Carlito y +Sofia Werleman-Russel y famia
+ Placida y +Beto Kock-Werleman y famia
+Maxima y +Bernard Kelly-Werleman y famia
†Jacinto Werleman y famia
+Pablo y Candida Werleman-Vrolijk
†Esteban Werleman y famia USA
Bruno y +Pina Werleman-Winterdaal y famia na Hulanda
Emeraldo y +Apolonia Werleman-Gomes y famia
Juan y +Eulalia Werleman-Geerman y famia
+Raymundo Werleman
Jacobo y +Sarita Werleman-Petrochi y famia
Regina y Daniel Feliz-Erasmus y famia

Swa y Cuñanan:

+Fanfa y Regina Solognier-Kock y famia
+Chelito y Aida Solognier-Ruiz y famia
Mito y Esther Solognier-Frans y famia
Tenchi Solognier
Bani y Cerilia Solognier-Boekhoudt y famia
Palmira y +Nicky Kock-Solognier y famia
Frida y Carlos Croes-Solognier y famia

Tur su Primo(a)-, Sobrino(a)-, Iha-, Bon Bisñanan Dennis y Jasmin Rasmijn, Famia Da Silva, Ex Coleganan di Taxi, SV Universal y Famia di MEP.

Demas famia: Werleman, Solognier, Geerman, Lampe, Ridderstap, Arends, Granda Navarro, Yrausquin, Cordoba-Benavides, Hillebrand, Danje, Bello, Kock, Russel, Kelly, Vrolijk, Winterdaal, Feliz, Ruiz, Erasmus, Frans, Boekhoudt, Croes, Maduro, Lopez, Koolman, Curiël, Mora, Tromp y Rasmijn, Suarez.

Dia y Adres di condolencia:

Diabierna 20 di december, 2024 na Olive Tree Funeral Care & Crematory na Piedra Plat di 7'or pa 9'or di anochi.

Ta invita tur famia, amistadnan y demas conocirnan pa asisti na acto di despedida cual lo tuma lugar **diasabra 21 di december, 2024**. For di 1'or pa 4'or di atardi "Enrique" lo ta reposa na Olive Tree Funeral Care & Crematory na Piedra Plat.

Nos ta lamenta cu despues di entierro no por ricibi condolencia na cas.
Nos ta pidi disculpa si den nos tristeza nos por a lubida un of mas famia.

"Señor ta mi wardador, mi'n tin falta di nada;
Den cunucu di yerbe berde, E ta pone mi sosega.
E ta hibami na awa trankil, pa mi bolbe haña forsa."
"Salmo 23"

Cu profundo tristesa na nos curason nos ta anuncio fayecimento di nos ser kerí

Jonsquelis Manuel Paulino Soriano

cariñosamente jama: "Jon"
*11 April 1997 - †17 December 2024



Na number di su:

Casa, Mayornan, Rumannan, Tanta & Omonan, Primo & Primanan y demas famia

Ta invita tur famia, amigo(a)nan, bisñanan y conocirnan, pa asisti na acto di Despedida cual lo tuma lugar **Diabierna 20 di December 2024** di 9'or pa 11'or di mainta na Olive Tree Funeral Care & Crematory na Sanicolas.

Oportunidad pa Condolencia lo ta **Diahuebs 19 di December 2024** di 6'or pa 8'or di anochi na Olive Tree Funeral Care & Crematory, Sanicolas.

Door cu nos ser stima tabata un persona alegre, nos t apidi pa bin bisti den color nan alegre.

Nos disculpa si den nos tristesa nos a lubida di menciona demas famia of conocir.

Nos ta lamenta cu despues di Entiero, nos no ta ricibi bishita di Condolencia na cas.



Lo E seka tur lágrima for di nan wowo, I morto lo no eksisti mas: lo no tin nada di rou, nada di yoramento, nada di dolo mas, pasobra tur kos di antes a pasa bai.
Rev. 21:4

Nos ta anuncia fayecimento di:

Marie U. Supreme

Cariñosamente conoci como: "Mont Ersule"
*04-09-1933 †17-12-2024

Acto di entierro lo wordo anuncia despues.



"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi". - Salmo 33

Cu dolor na nos curason, pero agradecido pa tur loke ela hasi y significa pa nos, nos ta participa fayecimento di nos ser stima:

Sr. Marciano Ruiz

Cariñosamente yama "Paus"
*24-04-1933 - †16-12-2024

Acto di despedida lo wordo anuncia despues



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil, Pa mi bolbe haña forsa". -
Salmo: 23

Nos ta anuncia fayecimento di:

Elija Felicia Córdoba

*06-09-1947 - †16-12-2024

Acto di entierro lo wordo anuncia despues.



Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



noticia@awemainta.com
aviso@awemainta.com